



06979

癸巳存稿卷之四

道書經絡

冬至運太陽配足少陰腎君火

子丑平坐伸兩足拳兩手按兩膝左右極力三五度 平坐謂垂足

坐足

小寒運太陽配足太陰脾溼土

子丑正坐一手按足一手上拓挽手互換極力三五度 正坐

坐跌

大寒運厥陰配足太陰脾溼土

癸巳存稿

卷四

一 連筠籟叢書
靈石楊氏棊

子丑兩手反據牀跪一足伸一足互換極力三五度

立春運厥陰配手少陽三焦相火

子丑正坐疊手按腔轉身按 拗 頸左右後引三五度 體尻骨一

作

雨水運厥陰配手少陽三焦相火

子丑正坐疊手按腔轉身拗頸左右偏引三五度

驚蟄運厥陰配手陽明大腸燥金

丑寅正坐握固轉頸肘向後掣五六度

春分運少陰配手陽明大腸燥金

丑寅正坐伸手迴頭左右推引六七度



清明運少陰配手太陽小腸寒水

丑寅正坐左右挽引七八度

穀雨運少陰配手太陽小腸寒水

丑寅平坐一臂掩乳一手上拓左右五七度

立夏運少陰配手厥陰心包絡風木

寅卯閉息瞑蹲反握兩手抱掣膝左右五七度

小滿運少陽配手厥陰心包絡風木

寅卯正坐右掌拄案榻左手平上拓左掌如之三五四度

芒種運少陽配手少陰心君火

寅卯立身仰身手上拓五六度定息

癸巳存稿

卷四

二

連筠篔叢書
靈石楊氏宋

夏至運少陽配手少陰心君火

寅卯蹲坐環手屈腳平踏手中左右各五七度

小暑運少陽配手太陰肺溼土

丑寅反手據地屈壓一足直伸一足力掣各三五度

大暑運太陰配手太陰肺溼土

丑寅正坐拳手據地聳肩左右虎視三五度

立秋運太陰配足少陽膽相火

丑寅正坐兩手據地縮體閉息聳身上躡七八度

處暑運太陰配足少陽膽相火

丑寅正坐轉頭左右舉引反手椎背上五七度

秋分運陽明配足陽明胃燥金

丑寅正坐兩手掩耳反側其首三五度

白露運太陰配足陽明胃燥金

丑寅正坐兩手按膝舉頭左右推引三五度

寒露運陽明配足太陽膀胱寒水

丑寅平定坐舒兩手攀兩足各以膝掣之五七度

立冬運陽明配足厥陰肝風木

丑寅正坐左手按膝右手挽左肘拗頭向左右亦然三五度

大雪

小雪運太陽配足厥陰肝風木

癸巳存稿

卷四

三

連筠蓼叢書
靈石楊氏采

丑寅正坐左右拗顧兩手左右按膝互挽三五度

大雪運太陽配足少陰腎君火

子丑起立兩手各左右折兩足各左右踏五七度

右出道書聖賢保脩通鑑其法以時行功以經治病但合其所好亦可偏行之行功訖叩齒吐納咽液其法與易緯通卦驗脈應俱異導引之術通人可自爲之貴合脈氣耳又胎息秘要云肺病瘡及鼻塞但呼泗心病口舌乾但呼呵脾病脹及脣焦但呼呼肝病及目但呼噓腎病及耳但呼吹三焦氣不和但呼嘻今喇嘛爲婆羅門法其按摩見道藏備急千金寶要慈函十一卷中蓋唐以前古法也亦列於左

兩手相捉紐如沈手法其法共爲十八勢

兩手淺相又翻覆向胃兩手相捉共按胘胃腕左右同

以手左右如挽五石弓兩手按胘徐振身左右同

作拳向前築左右同作拳却頓開左右同

如拓弓法左右同以手反椎背上左右同

據地縮身曲背向上三舉兩手抱頭宛轉胘上此是抽脅

大坐跌斜身排山左右同大坐平舉脚虛掣左右同

據地迴顧虎視左右同立地反拗身三舉

兩手急兩相又左右足踏之

起立以足先後虛踏左右同

癸巳存稿 卷四

大坐伸左腳以手句置右膝中以手按之右同

胎

四 連筠蓀叢書 靈石楊氏栗

淮南子精神訓云精神者受於天形體者稟於地背陰而抱陽沖氣以為和故一月而膏二月而腠三月而胎四月而肌五月而筋六月而骨七月而成八月而動九月而躁十月而神魂魄處其宅精神守其根晉王叔和脈訣九平妊娠胎動血分水分吐下腹痛證云婦人懷胎一月足厥陰二月足少陽三月手心主四月手少陽五月足太陰六月足陽明七月手太陰八月手陽明九月足少陰十月足太陽諸陰陽各養三十日活見其手少陰太陽不養者下主月水上為乳汁活

兒養母隋巢元方諸病源候四十一妊娠候云妊娠一月始形足厥陰養之肝主血血流澀而不出二月始膏足少陽養之膽主精精成包裹三月始胎手心主養之形象始化脈中精神內屬於心四月受水精成血脈手少陽養之三焦內屬於府六府順成五月受火精成氣足太陰脾脈養之四支皆成六月受金精成筋足陽明胃脈養之口目皆成七月受木精成骨手太陰肺脈養之皮毛成八月受土精成膚革手陽明大腸脈養之九竅成九月受石精成皮百節備足少陰腎脈養之兒脈續縷皆成十月納天地氣於丹田亦心小腸脈不在列三焦合心包卽心也別石於土者道家之祕推所言

癸巳存稿

卷四

五

連筠蓀叢書
靈石楊氏葉

膏肌筋骨與淮南異其實道家初說胎以三月至五月成宋聖惠方云一月胎如酪二月似果三月有形四月分男女五月筋骨成六月鬢生七月右動八月左動九月轉身十月生管子水地篇云人水也男女精氣合而水流形三月而咀五味五藏酸主脾鹹主肺辛主腎苦主肝甘主心五藏具而生肉脾生高肺生骨腎生腦肝生革心生肉五肉具發爲九竅脾爲鼻肝爲目腎爲耳心爲口舌肺爲竅五月而成十月而生故水凝蹇而爲人而九竅五慮生焉此乃其精也蓋旣成形六月以後皆養之故有六七月生有十四月生者則管子之言是也其分十脈養十月者元李鵬飛三元養壽書引產

書云一月足厥陰肝養血二月足少陽膽合肝三月手心主
右腎養精四月手少陽三焦合腎五月足太陰脾養肉六月
足陽明胃合脾七月手太陰肺養皮毛八月手陽明大腸合
肺九月足少陰腎養骨十月足太陽膀胱合腎五行相生各
養六十日宋史錢乙傳云孕婦病醫言胎且墮乙曰孕者五
藏傳養率以六旬乃更誠能候其月偏補之何必墮已而子
母皆得全是五陰合五陽其以心主爲腎蓋相火之義然必
指爲右腎亦難經之蔽三焦合腎本黃帝古義也若道與釋
之說則金完顏壽重陽子王喆碑云仙母孕二十四月又十
八日生按二十四氣餘土氣而成真人也其說甚鄙餘十八
癸巳存稿

卷四

六

連筠蓀叢書
靈石楊氏栞

日旣不宜指數且二十四月乃四十八氣土王十八日卽在
二十四月中不得別餘土氣法護譯佛說胞胎經流志譯大
寶積經並云父母及子相感業神入胞胎地水火風衆緣和
合漸得長成一七日如藕根十七日有短痊風吹令暴卒以
堅強之三十六七日不樂住腹三十八七日有風令長伸兩
臂轉身向下以向生門依計之在胎止八月半也過此則無
所爲不及期又不能全故惟管子之說可通廣志云獠民皆
以七月生東醫寶鑑云上陽子言四十九日始胎以後七日
一變自二百四十五日至三百八日皆可生天方典禮云眞
主造人物成數用四十初造人祖之身調治坏土以四十晨

故四十日成胎四十日成血四十日成肉四十日形象備及其生也四十日覺言笑四月而離母懷亦以五月形象備蓋必五月始成其後五月皆可生也

面長

荀子非相篇云昔者衛靈公有臣曰公孫呂身長七尺面長三尺而廣三寸呂功績今不能知而荀子稱之曰賢酉陽雜俎壺史云道士邢和璞居終南延一客長五尺濶三尺首居其半言上帝弄臣蓋東方朔之流仙官之滑稽者也雲仙雜記云郭汾陽每遷官則面長出三寸五代史亦云桑維翰七尺之身一尺面漢書言陳孟公長頭大鼻後漢書賈逵傳云癸巳存稿

卷四

七

連筠蓼叢書
靈石楊氏棊

問事不休賈長頭方言云燕記曰豐人杼首杼首長首也豐人大人首及面貴長大也周書蕭管傳云宗如周面狹長管戲之曰卿何爲謗經如周曰身不謗經管曰卿不謗餘經當由謗法華耳以法華經曰聞經隨喜面不狹長也按法華隨喜功德品云若復有人語餘人言可共往聽面色不黑亦不狹長亦不窳曲無有一切不可喜相

額黃眉間黃

夷堅志丁集云相工占丁湜科名曰相人先觀天庭須黃明潤澤則吉此相法也韓愈詩云眉間黃色見歸期亦言相好事吉嘗求相法凡女人妝飾皆是好相掠鬢取角犀豐盈剌

眉取疏長施朱取脣紅墜耳取耳有珠染甲取指潤銀甲取
指尖長塗黃取額明男女有一於此皆是貴徵女人塗黃始
見蕭梁宇文周時南宋卽希見玉臺新詠梁江漢詠歌姬云
薄鬢約微黃輕紅淡鉛臉費詠詠照鏡云留心散廣黛輕手
約花黃皇太子倡婦怨情云散誕披紅帔生情新約黃戲贈
麗人云同安鬢裏撥異作額間黃率爾成詠云約黃出意巧
纏絃用法新簡文帝美女篇云約黃能效月裁金巧作星王
詠奉和率爾成詠詩云散黃分黛色熏衣雜棗香陳後主採
蓮曲云薄落點花黃徐陵奉和詠舞云低鬟向綺席舉袂拂
花黃庾信鏡賦云靨上星稀黃中月落舞媚娘云眉心濃黛
癸巳存稿

卷四

八

連筠綴叢書
靈石楊氏栞

直點額上輕黃細安劉緩鏡賦云訝宿粉之猶調笑殘黃之
不正盧照鄰古意云片片行雲著蟬鬢纖纖初月上鴉黃駱
賓王棹歌云寫月塗黃罷凌波拾翠通梁鎧觀美人臥詩云
落釵猶冒鬢微汗欲消黃韋元甫木蘭詩云當窗理雲鬢對
鏡貼花黃吳融曉看妝面詩云眉邊全失翠額畔半留黃李
賀感諷云眼逐春暝醉粉隨淚色黃李商隱宮中曲云賺得
羊車來低扇遮黃子效長吉云君王不可問昨夜約黃歸早
梅有贈云何處拂眉資蝶粉幾時塗額藉蜂黃蝶詩云壽陽
公主嫁時妝八字宮眉捧額黃温庭筠偶題云紅垂果蒂櫻
桃重黃染花叢蝶粉輕一言口一言額也又漢皇迎春詞云

豹尾車前趙飛燕柳風吹散眉間黃又詞云粉心黃蕊花靨
黛梅山兩點他如黃粉楚宮人芳華玉刻麟撲蕊添黃子臉
上金霞細蕊黃無限當山額額黃無限夕陽山黃印額山輕
如塵鴉黃粉白車中出學畫鴉黃半未成唐摭言裴餘慶游
江云滿額鵝黃金縷衣太平廣記抒情詩孫處士柳枝詞云
半額微黃金縷衣崔液蹋歌詞云翡翠貼花黃又蜀牛嶠女
冠子詞云額黃侵膩髮臂釧透紅紗宋陳允平醉江月詞云
暈額黃輕塗腮粉豔周邦彥瑞龍吟詞云侵晨淺約宮黃周
密四字令詞云眉銷睡黃春疑妝淚玉屏水暖微香元張翥
水龍吟詞云沈水全熏檠絲密綴額黃深暈邵亨貞沁園春
癸巳存稿

卷四

九

連筠穆叢書
靈石楊氏棗

詞云有喜先占長頻難效柳葉輕黃今在否黃子常綺羅香
詞云凝素靨香粉添嬌映黛眉淡黃生喜葢花黃者濃淡相
間微黃淡黃者淡抹之散黃者侵鬢約黃者安於額黃子者
星月形又有靨黃酉陽雜俎云近代妝當靨如斜月曰黃星
靨李賀御溝水詩云入苑白泱泱宮人映靨黃又有眉黃周
書宣帝紀云婦人黃眉墨妝唐王幹詩云中有一人金作面
宋張芸叟使遼錄云北婦以黃物塗面如金謂之佛妝朱或
萍洲可談述其父師服使北見婦人面塗深黃黑眉紅吻謂
之佛妝孟珙蒙鞞備覽云婦女以黃粉塗額元楊允孚灤京
雜詠云淡墨輕黃淺畫眉案佛面色黃法苑珠林云天女用

香采色塗額從所尚也南北朝之末佛教大行故妝用石黃
宋人或有或無南宋遂無之南宋及元人不深考以遼金蒙
韃爲禮異元人徐賁詠妓云蘭膏分鬢綠粉蕊間眉黃明時
據楊慎詞品言汴蜀妓女以金箔飛額上是古黃妝遺法他
處不見今刊初學記劉綬鏡賦殘黃改作殘糝蓋不見其制
因失其義

舌長說

太白陰經雜儀類鑑人篇云吐舌及鼻有壽復貴又藝文類
聚載相書雜要云吐舌及鼻者位至三公案舌長所以壽且
貴者元命包云斗者天之喉舌人舌法斗陽立於三在口中
癸巳存稿

卷四

十

連筠蓀叢書
靈石楊氏采

者三寸象玉衡陰合於四淪入隘內者四寸象璇璣矣舌長
能及鼻者由稟氣盛隘內者能助外故宜壽貴其本七寸亦
及鼻而止華嚴經十迴向品云菩薩爾時迴向願一切衆生
得覆面舌所言無二皆悉眞實佛說寶女經云廣長舌者乃
往古世世出言至誠佛本行集經轉妙法輪品云世尊從口
出舌至二鼻孔還復以舌舐舌自覆其面已告五仙人若有
妄語有如此舌神通力否普曜經云佛出舌覆面上至髮際
語婆羅門汝見經書頗有此舌作妄語否佛說梵摩喻經云
佛出廣長舌以自覆面左右舐耳縮舌入口五色光繞身三
而沒於頂上佛本行集經相師占看品云舌廣長大柔輒紅

薄般若經云如來舌相薄淨廣長能覆面輪至耳髮際宏明
集牟子理惑論亦言佛出舌自覆面蓋舌以長爲貴亦不當
過鼻轉妙法輪品先言至二鼻孔乃爲實相後忽覆面則神
幻之事亦時有之宋史文同傳云崔公度見同於京南明日
再往同曰吾聞人不妄語者舌可過鼻卽吐其舌三疊之如
餅狀引之至眉間崔大驚則同已死神鬼皆能幻不獨佛也
泊宅編云左朝議大夫白同曰佛經凡人三世不妄語者舌
長舒之可及胫予生平不妄語雖未及胫比之常人則已爲
長矣喪牖間評云佛經言生平不妄語其舌可以及胫後見
黃太史詩曰吾舌猶能及鼻尖恐是佛經之意也其實舌長
癸巳存稿

卷四

十一

連筠篸叢書
靈石楊氏采

相貴不妄語相尤貴未必舌長爲不妄語之報佛舌長兼言
廣至覆兩耳則口不能容以此爲能卽是妄語之證佛本行
集經向菩提樹品云夜叉舌廣大下垂舌廣是夜叉僧徒誤
譯也佛舌長又言薄華嚴經十迴向品云願一切衆生得輒
薄舌恒受美妙清淨上味是又一果報佛本行集經魔怖菩
薩品云魔女偈曰舌薄猶如蓮花葉蓋舌薄能歌唱太平廣
記感應載錄異記云王法朗舌大而長夢老君爲翦其舌亦
以便言也詩言婦有長舌爲厲之階謂舌長多能言貴人褒
姒不賢褒姒未嘗不貴正如佛言胸有已音字蔡京亦有之
容齋三筆以爲疑亦不賢而貴者也

心開

淮南子云聾者學歌無以自樂則心不開言心不開則學不精素問入正神明論云目明心開而志先漢書酷吏傳云王溫舒居廷愔愔不辨至于中尉則心開言得展所長目明志先之謂也後漢書明帝荅東平王詔云心開目朗王常傳云聞陛下卽位河北心開目明白虎通辟雍云其有賢才美質知學者足以開其心異苑云鄭元夢人以刀開其心曰子可學矣論衡藝增篇云觀覽采擇得以開心通意曉解覺悟靈鬼志云聞君奏琴心開神悟晉書虞溥傳云作誥曰然後心開意朗敬業樂羣北齊書吳遵世傳云一老翁謂之曰與君癸巳存稿

卷四

二

連筠蓂叢書
靈石楊氏宋

開心符遵世跪取吞之舊唐書尹知章傳云夢神人以大鑿開其心北夢瑣言云與汝開心將來必保聰明心開俱言神王益智

蚤起

素問五藏生成論云人臥血歸于肝肝得血而能視足得血而能步掌得血而能握指得血而能攝四氣調神大論云夏三月夜臥早起無厭於日冬三月蚤臥晚起必待日光此無事業之人養生之說冬日短而蚤臥晚起廢時日矣醫書曰夜半不寢血不歸肝故古人于夜半之前先言人定是有節也梁書沈約傳云爲齊文惠太子管書記入直至景斜方出

當時王侯或不得見太子曰吾生平嬾起是卿所悉亦驕盈
衰敗之象宋史周王元儼傳云子允良好酣寢以日爲夜由
是一宮之人皆晝睡夕興薨贈定王有司以其反易晦明諡
曰榮易說苑云盛于彼必衰于此長于左必短于右喜夜臥
者不能蚤起抱朴子云臥不及疲不欲起晚不欲多睡然則
臥不及疲此蚤起之法消息之道也六韜云夜臥蚤起妻子
之將也日出而作乃齊家之理宜爾

佛說行嫁年

雜阿含經云昔者人壽八萬四千歲人有九種病九病者年

老女人年五百歲爾乃行嫁晉譯佛說彌勒來時經東晉譯

癸巳存稿

卷四

三

連筠縵叢書
靈石楊氏聚

佛說古來時世經姚秦譯彌勒成佛經唐譯彌勒下生成佛
經並云佛言當來之世人當長命壽八萬歲女人五百歲乃
行嫁耳晉譯舍衛國王夢見十事經無蘭譯國王不犁先泥
十夢經並云王夢見十事有小樹生實佛言後世女人年少
當行抱子長阿含經云劫轉滅人乃至十歲女生五月皆已
行嫁按古人長壽儒亦言之然素問止言百二十歲其言實
正王充論衡齊世云如以上世人民侗長俊好堅強老壽下
世反此則天地初立始爲人時長皆如防風之君色如宋朝
壽如彭祖乎從今千世之後人可長如菘英色如嫫母壽如
朝生乎知其時尙無十萬八千歲三萬六千歲之說自張道

陵千吉皇甫謐等妄造故實佛徒亦和之宋邵雍於道藏餒
聞其說所謂前編外紀儒亦多誣以論衡證之豈得謂之道
古之彥乎

白虎通

云女如也從如人也釋名云女如也青徐州曰媪媪

忤也始生時人意不喜忤忤然也史記外戚世家褚先生云
武帝時天下歌曰生男勿喜生女勿怒太平廣記長恨歌傳
云天寶時人歌曰生男勿喜歡生女勿悲酸則忤忤然怒而
悲酸人之常矣玉臺新詠傅元苦相篇云苦相身為女卑陋
難再陳男兒當門戶墮地自生神雄心志四海萬里望風塵
癸巳存稿

卷四

古

連筠篔叢書
靈石楊氏宋

生女無欣愛不為家所珍長大避深室藏頭羞見人垂淚適
他鄉忽如雨絕雲低頭和顏色素齒結朱脣跪拜無復數婢
妾如巖賓情合同雲漢葵藿仰陽春心乖甚水火百戾集其
身玉顏隨年變丈夫多好新昔為形與影今為胡與秦胡秦
時一見一絕踰參辰此諺所謂姑惡千辛夫嫌萬苦者也後
漢書曹世叔妻傳云女憲曰得意一人是謂永畢失意一人
是謂永訖亦貴乎遇人之淑也白居易婦人苦詩云婦人一
喪夫終身守孤子有如林中竹忽被風吹折一折不重生枯
死猶抱節男兒若喪婦能不暫傷情應似門前柳逢春易發
榮風吹一枝折還有一枝生為君委曲言願君再三聽須知

婦人苦從此莫相輕其言尤藹然莊子天道篇云堯告舜曰
吾不虐無告不廢窮民苦死者嘉孺子而哀婦人此吾所以
用心也書梓材成王謂康叔至於敬寡至於屬婦合由以容
此聖人言也天方典禮引謨罕墨特云妻暨僕民之二弱也
衣之食之勿命以所不能蓋持世之人未有不計及此者
需者妻

白虎通云妻者齊也與夫齊體郊特牲云壹與之齊終身不
改此後起義也按夫者扶也扶起爲陽妻者棲也棲定是陰
皆義云古者天子后三夫人九嬪二十七世婦八十一御妻
曲禮云天子有后有夫人有嬪有世婦有妻有妾又云公侯
癸巳存稿

卷四

五

連筠篸叢書
靈石楊氏棗

有夫人有世婦有妻有妾則妻不爲齊明也儒說御妻爲御
妾以就齊義又何以處曲禮妻妾並舉之文妻質稱也自天
子至庶人皆得名之

白虎婦人至母家出與夫齊體郊特牲云壹與之齊終身不改

儒言古婦人嫁後歸寧此外無至父母家者或爲遠嫁異國
者言之儀禮士冠禮記云入見姑姊如見母韓詩外傳云子
得罪於父母可因姑姊妹謝也新序雜事云可因姑姊叔父
謝也姑姊可在家何云婦人不至母家乎葛覃正義引鄭志
云大夫妻以下父母旣沒亦歸寧不得用王后諸侯夫人之

義人苦從此莫相輕其言伏齋然其于天謹識云

世有書舊唐書輿服志後漢各雜宋今歸人言婦人足牽

唐人醉公子詞云門外鴉兒吠疑是蕭郎至剗鞮下香階窈
家今夜醉李後主菩薩蠻云花明月暗籠輕霧今宵好向郎
邊去剗鞮步香階手提金縷鞮蘇軾減字木蘭花云兩足如
霜挽紵衣又云蓮步輕飛秦觀河傳云記那回小曲欄干西
畔鬢雲鬆羅鞮剗李清照點絳脣云見客入來鞮剗金釵溜
和羞走倚門迴首卻把青梅嗅以手提鞮語證之則剗鞮是
大脚不履僅有鞮耳剗如騎剗馬之剗草堂續集詞品俱載
無名氏玉樓春云夜深著緇小鞮兒靠那個屏風立地王沂
孫錦堂秋云早是弓鞮鴛小翠鬢蟬輕王觀慶清朝慢云結
癸巳存稿

卷四

六

連筠移叢書
靈石楊氏棊

伴賜青去好平頭鞮子小雙鴛又云不道吳綾繡鞮香泥斜
沁幾行斑以平頭鞮小語證之則小鞮是淺幫窄底方頭與
圓頭高底禮鞮別婦女便履也均爲不裹足之證花間集蜀
毛熙震浣溪沙云碧玉冠輕裏鳳釵捧心無語步香階緩移
弓底繡羅鞮宋鄭文妻孫氏憶秦娥云花深深一鉤羅鞮行
花陰所謂鞮弓鞮一鉤者如今鞞鞮包底尖向上弓曲故鞮
弓言弓底謂底如弓梢向上鞞亦似鉤矣宋時實多裹脚如
蘇軾訴衷情劉過沁園春其纖小可見若此數詞則俱不裹
足也宋史五行志云理宗朝宮人束脚纖直名快上馬則前
此束脚纖而不直可悟弓鞮名義矣今詞人言婦人足牽引

古專用之似是而非也

嚴父母義

慈者父母之道也大學云爲人父止于慈禮運云父慈子孝謂之人義父子篤家之肥也左傳晏子云父慈子孝禮也父慈而教子孝而箴禮之善物也而易家人云家人嗃嗃悔厲吉又云有孚威如終吉象傳云家人嗃嗃未失也威如之吉反身之謂也彖傳云家人有嚴君焉父母之謂也然則嗃嗃同憂勤未失慈愛有孚爲慈威如爲子婦之嚴其父母而反身爲父母之所以嚴嚴父母以子言之也何以明其然也孝經云孝莫大于嚴父嚴父莫大于配天又云以養父母日嚴癸巳存稿

卷四

七

連筠篲叢書
靈石楊氏萊

又云祭則致其嚴皆謂子嚴其父母也表記云母親而不尊父尊而不親此漢儒失言於母則違嚴君父母及養父母日嚴之訓於父則違慈孝之誼由誤以古言嚴父爲父自嚴惡不知古人言嚴皆謂敬之易與孝經皆然學記云嚴師爲難師嚴而後道尊亦言弟子敬之書記舜言敬敷五教五教在寬史記殷本紀及詩商頌正義引書均作敬敷五教五教在寬中庸記孔子言寬柔以教爲君子之強豈有違聖悖經以嚴酷爲師者知嚴師之義則嚴父母之義明而孝慈之道益明矣

陸放翁教子法

放翁寒夜詩云稚子忍寒守蠹簡老夫忘睡畫爐灰新涼夜

坐有作云硯屏突兀蓬婆雪書几青熒蓮勺鐙稚子可憐貪
夜課語渠循舊未須增冬夜讀書示子適云簡斷篇殘字欲
無吾兒不負乃翁書喜小兒輩到行在詩云阿綱學書蚓滿
幅阿繪學語鶯囀木畫窗浣壁誰忍唳啼啾也復可憐人其
教子之主子寬也如此就其集觀之其子才質宜於寬也與
建子振孫登千峰榭詩云二稚慧堪憐猶賒志學年善和書
尙在他日要人傳浮生詩云橫陳糲飯側朗誦短檠前不用
嘲癡絕兒曹尙可傳感貧詩云翁將貧博健兒以學忘憂夜
坐示子聿云學術非時好文章且自由不嫌秋夜永問事有
長頭喜小兒病起詩云也知笠澤家風在十歲能吟病起詩
癸巳存稿

卷四

六

連筠蓀叢書
靈石楊氏棗

示兒詩云讀書習氣埽未盡鐙前簡牘紛朱黃吾兒從旁論
治亂每使老子喜欲狂不欲飲酒竟自醉取書相和聲琅琅
鐙下晚飡示子適云適子挾冊于子來時與老翁相論難但
令歆向竟同歸門前籍湜何憂畔閒居詩云春寒催喚客嘗
酒夜永臥聽兒讀書白髮詩云自憐未廢詩書業父子蓬窗
共一鐙由南堰歸云到家亦既夕青燈耿窗扉且復取書讀
父子窮相依出遊暮歸戲作云莫道歸來却岑寂小兒同守
短鐙檠示子詩云老憊簡編猶自力夜深鐙火漸當謀大門
舊業微如綫賴有吾兒共此憂又云儒林早歲竊虛名白首
何曾負短檠堪嘆一衰今至此夢回聞汝讀書聲縱談詩云

高談對鄰父樸學付癡兒忍窮詩云尙餘書兩屋手校付吾
兒卽事詩云詩成賞音絕自向小兒誇家庭文章之樂非迂
刻者所能曉放翁有示子聿詩云雨暗小窗分夜課雪迷長
鏡共朝飢書歎詩云偶然得肉思共飽吾兒苦讓不忍違見
飢讀書到雞唱意雖甚壯氣力微苦讀之況如此又短歌示
諸稚云義理開諸孫閑閑待其大賢愚未易知尙冀得一箇
知愛之能勞也南門散策詩云野蔓不知名丹實何纍纍村
童摘不訶吾亦愛吾兒幽居詩云雅意原知足遄歸喜遂初
久閒棋格長多病釣徒疏漬藥三升酒支頭一束書兒曹看
翁懶切勿厭蝸廬題齋壁詩云力穡輸公上藏書教子孫追
癸巳存稿

卷四

九

通筠修叢書
靈石楊氏棗

游屏裘馬宴集止雞豚寒士邀同學單門與議昏定知千載
後猶以陸名村此三詩意思深長君子人言也放翁又有句
云兒孫生我笑趨揖已儒酸然則以陸名村定矣

師道正義

學記云安其學親其師又云禁於未發當其可不陵節而施
相觀而善又云教者長善而救其失又云嚴師爲難苟子致
士云師術有四尊嚴而憚耆艾而信誦說而不陵不犯知微
而論弟子通利則思師呂氏春秋誣徒云反諸人情則得所
以勸學矣又云反己以教則得教之情也所加於人必可行
之於己若此則師徒同體又云草木雞狗牛馬不可以譙詢

遇之譙詢遇之則亦譙詢報人又况達師與道術之言乎此皆太古所傳師道學記有言夏楚收威者乃官法虞書扑作教刑在典刑中撻以記之否則威之皆官也易言發蒙擊蒙者民及寇之蒙昧者也教者則包蒙弟子則童蒙聖人言子克家吉剛柔接不言刑也其不率教當罰者亦師道所不能廢後漢書劉祐傳注引謝承書云郡將使子就祐受經五日一試不滿程限白決罰遂成學業謝夷吾傳注引謝承書云太守第五倫署夷吾主簿使子從受春秋夷吾待之如師弟之禮時或嬉戲不肯讀書便白偷行罰遂成其業是業師不自行罰亦古師道貴重之證楓窗小牘言宋仁宗時開封民癸巳存稿

卷四

三

連筠蓀叢書
靈石楊氏棗

聚童子教之有因夏楚死者爲其父母所訟當抵死此則非人所爲師本以利誠不愛錢卽謝去一二不合意之人亦非大損乃苦守聚徒取錢本意而致出錢幼童於死此其昧良尤不可留於人世也學記云嚴師爲難師嚴而後道尊嚴敬也言敬師爲難師可敬則道尊非謂暴酷舜告司徒敬敷五教在寬孔子言君子之強寬柔以教顏淵歎夫子循循然善誘人是聖人之教其道尊而不嚴酷趙策武靈王謂周紹曰寡人以王子爲子任欲子之厚愛之無所見醜御道之以行義勿令溺苦於學其言可謂至矣今富樂者多輕師貧薄者敬師而師反無良禮云教然後知困荀子宥坐孔子云今學

曾未如肱贅則具然欲爲人師孟子云人之患在好爲人師已則不知何以教人人皆可以爲堯舜出舍就傅竭財盡禮師導以醉焉穀梁傳云心志不通師之罪也法言學行云師者人之模範不模不範爲不少矣蓋師宜學行兼之韓非子八說云弱子有僻行使之隨師不隨師則陷於刑法言學行云務學不如務擇師一閔之市必立之平一卷之書必立之師白虎通云雖有自然之性然必立師傅焉太平御覽載桓譚新論云諺云三歲學不如一歲擇師是人師經師兼也童蒙之師字嚴於音文嚴於義程課有常威可畏儀可象是謂之嚴釋元應一切經音義云諡法温故知新曰師尊嚴能憚

癸巳存稿

卷四

三

連筠篔叢書
靈石楊氏棗

曰師清波雜志云或謂童蒙之師不必妙選然先入爲主豈宜闕略是典蒙亦兼人師經師也釋道亦必有師其名分恩義不同者文學師取給於弟子釋道工匠弟子仰教養於師此於禮法必不當混而同之者抱朴子云道教終不以至要者著於紙上故非師不成又云決須好師師不足事亦不能成鳩摩羅什譯持世經云不離法求師但以諸佛爲師曇謨蘭譯佛說梵志額波羅延問種尊經云天下生子養者父母成者師也而八師經云佛自然神曜得道蓋釋迦文佛自染壞色紅衣與第六佛及諸外道師俱異故所從問法者不以師事之

今之言者曰君親師曰天地君親師此皆古有之禮檀弓云事親有隱而無犯事君有犯而無隱事師無隱無犯國語欒共子云民生於三事之如一父生之師教之君食之文子符言云道之爲宗有形者皆生焉其爲親也亦戚矣饗穀食氣者皆壽其爲君也亦惠矣諸智者學焉其爲師也亦明矣白虎通封公侯云天有三光日月星地有三形高下平人有三尊君父師是三者相並禮運云天生時而地生財人其父生而師教之四者君以正用之大戴禮三本云無天地焉生無先祖焉出無君師焉治荀子禮論云天地者生之本先祖者

癸巳存稿

卷四

三

連筠篔叢書
靈石楊氏栗

類之本君師者治之本是五者相並也此言人師也荀子致士云弟子通利則思師詩曰無言不讎無德不報此之謂也呂氏春秋尊師云生則謹養死則敬祭此尊師之道也事五穀取魚鼈求鳥獸此尊師之道也視輿馬慎駕御適衣服務輕煖臨飲食必蠲絜善調和務甘肥必恭敬和顏色慎辭令疾趨踰必嚴肅此所以尊師也此所謂人生於三事之如一七十子從孔子之禮也人師爲然經師亦有之禮祭先師於瞽宗天子至學命有司行事興秩節祭先師焉是傳經之師死則敬祭也漢經師有服晉書隱逸傳云郭瑀師郭荷盡傳其業荷卒瑀曰父生之師成之君爵之而五服之制師不服

重蓋聖人謙也遂服斬衰廬墓三年亦言經師唐書韋表微傳云以學者薄師道不如聲樂賤工能尊其師乃著九經師授譜亦言經師韓愈始以文體迎距之法爲人師而號曰傳道尊師者亦有效宋袁文襄牖閒評言其家延先生敬禮備至遂得成名且相繼科名其爲師能盡職者亦有效朱弁曲洧舊聞云屯留王誥應舉夢胡僧謂之曰君行徒勞耳骨相不應得祿位年五十餘又應舉夢前僧賀之曰君教童子用心篤志不負其父母所託爲有陰德天益君壽而報以祿位是歲果正奏名於馬涓榜下賜第歷官數任以奉議郎致仕年七十七卒於家則教讀者之室鬼神未嘗不臨之也爲師癸巳存稿

卷四

三

連筠蓀叢書
靈石楊氏棗

者可以知所懼矣今與師以財蓋自漢以來所謂資也魏志邴原傳注引原別傳云原家貧早孤無錢資師師曰我徒相教不求資也北魏書賈思伯傳云師事北海陰鳳業竟無資酬之鳳遂留其衣物又清波雜志云張子韶言今教子弟者以主人所贈厚薄爲教之隆殺則師自失其道襄牖閒評云袁氏擇從劉先生未嘗三日無餽遺東京夢華錄云市學先生春社秋社重五重九豫斂諸生錢作會諸生歸時各攜花籃果實食物社饅而散此固生財之道近人情也

門客正義

晁氏客話云王荆公教元澤讀書求門賓須博學善士老學

庵筆記云秦會之有十客曹冠教其孫讀書曰門客避暑錄話亦有門客語夢梁錄閒人一條云訓導童蒙子弟者謂之館客筆記又云人多就聞人德茂求館客德茂自言作門客牙教讀人宋時所以謂之門賓門客館客者其義蓋古古者家有塾塾門側屋也人生十年出就外傳居宿於外學書計卽在門塾鄭注檀弓有若夏屋云夏屋今之門廡詩權輿夏屋箋云大具食我不用門廡訓者詩序無爲師意師居門廡也官學亦然明堂之門堂曰塾牆曰序堂門道曰闕有門闕師保之學蔡邕明堂論引魏文侯孝經傳云太學者中學明堂之位也大戴禮保傅篇引學禮曰帝入東學南學西學北學太學皆在門側此官師弟子之地也其自設教者曲禮云禮聞來學不聞往教漢書孫寶傳云爲郡吏御史大夫張忠辟爲屬欲令授子經更爲除舍設儲備寶自劾去曰君男欲學義無往教道不可誦後漢書郭憲傳云王莽召王仲子憲謂仲子曰禮有來學無往教之義包咸傳云太守黃讜署咸戶曹史召入授其子經咸曰禮有來學而無往教讜遂遣子師之是古師自立門戶而學徒從之北魏太平真君五年正月詔今制王公卿士子息皆詣太學不聽師立學校違者師身死生人門誅蓋師不立門戶自此始而明史薛瑄傳云泰州周惠成蘭州恭順侯吳瑾聘爲子師蕙曰召役則可若以

癸巳存稿

卷四

五

連筠篔叢書
靈石楊氏栞

爲師豈可召哉瑾躬送二子於其家始納贄焉蓋來學則學
徒爲門人往教則師爲門客以學在門也呂氏春秋勸學篇
云往教者不化召師者不化自卑者不聽卑師者不聽師操
不化不聽之術而以強教之欲道之行身之尊也不亦遠乎
蓋古者道術書卷皆有傳授惟君學官當往教此外無爲他
人門客者曲禮呂氏春秋皆譏往教蓋未爲大學國學博士
爲師者計而但以詆私家門客門客又難得佳者顏氏家訓
勉學篇云音詞鄙陋問一言輒酬數百責其指歸或無要會
使汝以此爲師令人氣塞北齊書元文遙傳云文遙子師盧
思道文遙謂思道曰小兒比日微有所知是大弟之力而白
癸已存稿

卷四

五

連筠篔叢書
靈石楊氏采

擲劇飲甚得師風唐書李忠臣傳云德宗立散騎常侍張涉
以賊得罪帝怒不赦涉故侍讀東宮者忠臣曰陛下貴爲天
子先生以乏財觸法非過也帝意解免涉歸田里松窗雜錄
云張燕公家教授書生通於侍兒擒得姦狀將窮獄于京兆
山房隨筆云張侔家繡養娘遞羅帕子與館人劉啟之倅責
劉卽日遣出劉作詩自明墨客揮犀云有舉人因許懷德乳
母求爲館客曳襪拜于庭下懷德據座受之隱居通議云南
豐劉氏前街汪姓因田事建醮館客撰青詞有曰芒芒九土
盡入吾疆館客慌忽見一將吏問之曰九土是何等語摑其
面目自是頭不正佛本行集經習學技藝品云太子八歲召

毗奢婆密多羅爲師太子將升學堂毗奢婆密多羅遙見太子威德力故不能自禁卽使其身忽從座起屈身頂禮於太子足禮拜起已四面顧視生大羞慚據齊僧佑釋迦譜此師爲跋陀羅尼漢言選友也明馬愉馬氏日鈔云京師姚生爲門達館客自刻私印曰錦衣西席此皆門客之不自重者門客又居險地魏志袁渙傳注引魏書云穀熟長呂岐署朱淵爲師友祭酒不受署岐杖殺之渙爲梁相教曰有君之師友有士大夫之師友君置師友之官有罪加於刑焉國之法也所論者邑長且殺師則王侯之師可知漢書言楚王戊爲太子時不好學疾其傅申公戊立爲王乃胥靡申公廣川王去癸已存稿

卷四

三

連筠蓀叢書
靈石楊氏棗

年十三四時師數諫正稍長則逐其師後又殺其父子晉書杜錫傳云愍懷太子豎針著錫所常坐氊中北齊書范陽王紹義傳云擅置內參打殺博士任方榮蓋富貴所行如此其他强悍者還冤記云晉時孔敞使二子師孔基二子兇很趨尙不同基屢言之於敞二子殺基周書宇文護傳云母闔在齊與護書曰吾共汝在受陽時元寶菩提及汝姑兒賀蘭盛洛並汝身四人同學博士姓成爲人嚴急汝等四人謀欲加害宋史馬仁瑀傳云十歲時就鄉校輒逃歸旬餘不識一字博士笞之仁瑀怒夜潛往放火燒學堂博士僅以身免又爲師儒之官者舊唐書良吏傳云陽嶠爲祭酒薦尹知章范行

恭趙元默等爲學官時學徒廢弛嶠課率經業稍行鞭箠學生相率乘夜于街中毆之上聞令所由杖殺無理者由是始息官師嚴則被毆私家博士多至喪命又或主人暴肆雲溪友議云杜琮爲節度使宏詞李宣古陪琮諸子硯席宣古多侮慢琮使臥於泥中欲辱以檣楚夷堅志云觀察使張淵家居時杖館客馮元起逼令飲糞避暑錄話云章子厚嘗延一太學生在門下元豐末學者正崇虛誕子厚極惡之適至書室見其講易略問其說其人縱以性命荒忽之言爲對子厚大怒曰何敢對吾亂道亟取杖命左右擒擊之其人哀鳴乃得釋亦可危矣古之命師又有異者呂氏春秋壅塞篇云齊

癸巳存稿

卷四

毛

連筠叢書
靈石楊氏棗

王欲以淳于髡傳太子髡辭王曰子無辭也寡人豈責子之令太子必如寡人也哉寡人固生而有之也子爲寡人令太子如堯乎其如舜也魏書穆壽傳云壽謂其子師曰但令吾兒及我亦足勝人不須苦教之又或學徒自能抵距其師北齊書彭城王浹傳云博士韓毅教浹書見浹筆迹未工曰今後宜更用心浹時八歲正色荅曰人論才具何必動誇筆迹博士當今能者何爲不作三公盧景裕傳云高歡獲之使教諸子景裕講論精微難者或相詆訶大聲厲色而景裕神采儼然卽浹兄弟也其誕謾如此而待門客之禮古又最簡南史謝靈運傳云時何長瑜在方明處教惠連讀書靈運謂方

明曰長瑜當今仲宣而節以下客之食尊既不能禮賢宜以長瑜還靈運魏書宗室欽傳云欽託高僧壽爲子求師師至未幾逃去欽以讓高高素滑稽荅曰凡人七日絕粒乃死始經五朝便爾遁逃去食就信寔有所闕欽乃大慙五代唐家人傳云秦王從榮傅從容規諷榮戒門者勿爲通月聽一至府而竟日不召亦不得食趙善璋自警編儉約云汝州趙守請李若谷爲門客而守尤敬韓億韓至則食設肉李戲簡韓云久思肉味請君顧訪也夢溪筆談墨客揮犀並云滁州一先生以學子不行束脩自往詣之學子閉門不接訟於句當

鎮事王向宋史洪皓傳云金陳王悟室使皓教其八子二年

癸巳存稿

卷四

天

連筠蓀叢書
靈石楊氏采

不給食盛夏衣麤布大雪薪盡以馬矢然火煨麪是古之門客或節以下客食或食例不給肉或五日不給食或竟日不給食或不與束脩文選注引劉璠梁典云江淹年二十以五經授宋建平王景素待以客禮邵氏聞見前錄云范蜀公爲舉子時在知成都薛簡肅府與子弟講學乘駟至銅壺閣下步行趨府門踰年人不知其爲師也太平廣記載玉溪編事云舊蜀王嘉召一經業孝廉仲庭豫教授諸子以還金火箸事竟以賓介相遇則其初周旋禮節教讀門客本無賓介相遇之法宋人澠水燕談錄云真宗晚坐召學士既退使宣諭適忘御袍帶勿訝學士降謝中人曰上深自愧責有旨放謝

歸田錄則云諸王宮教授入謝祖宗偶不御袍帶至今入謝俟上入內解袍帶後出見之以爲定制教授例與學士諸臣別亦奇例也至宋人則以門客爲下品孫公談圃云藝祖少從陳學究爲學學究時時開諭使容人後從趙學究及踐位而陳居太宗南衙藝祖怒太宗遣之開門館于陳村驛舍而死蓋自上行下效如此門客又自古多無良北齊書樂陵王百年傳云博陵人賈德胄教百年讀書百年嘗作數敕字德胄封以奏武成乃斬百年大唐新語云崔宣家館客姓舒婺州人言行無缺爲宣家服役通于告宣者宣家自擒之金史完顏匡傳云章宗年十餘歲顯宗曰典故幼學須用淳謹者癸巳存稿

卷四

完

連筠移叢書
靈石楊氏棊

以匡爲之章宗崩後匡構李妃賈妃死絕章宗嗣夷堅志云婺州巡檢館客田全璧平江林氏館客黃生皆有小卷揭冊疏主家陰事及日月爲訐告具能改齋漫錄云開封富民楊氏家館客與其女通致其女爲尼而死白獺髓云永嘉人鄭復禮爲知高安孔煒門館賓盜煒女逃事發編徒至正雜記云戴用少時延一師好爲人作訟牒其父却之乃自匿合家人誣告用圖其經義害命後迹得之事始白野獲編云萬厯二十一年閭門宋姓延一餘姚塾師其妻與通遂共謀殺夫官論塾師大辟而宋氏一門俱滅又云李如松家塾師諸龍光餘姚人也受李氏恩參久如松征倭之在高麗者龍光上

急變言如松私與倭和上命訊之無其事乃立枷龍光死儒
風掃地盡矣雍正三年四月二十六日宣化鎮總兵許國柱
奏二十三日卯刻城門不開緣口北道年裕署中教書之人
乘夜逃走徧城尋覓無蹤迹分付今日城門不可早開四年
十月十二日

上諭八旗云若果讀書之人何不出仕乃在各處教書爲業
使所學果優亦必不能掩也且現在教書之人俱係毫無所
能希圖餬口之輩必有借此營謀射利而妄爲者爾等甚宜
留心將伊遠之諸事防閑勿爲所欺八年正月十三日

上諭云依人訓蒙授徒者大抵多粗通文理窮困淹蹇之輩
癸巳存稿

卷四

三

連筠篔叢書
靈石楊氏果

其人既抑鬱無聊時懷憤時嫉俗之意每多幸災樂禍之言
而又僞爲剛方正直之概言忠言義以欺庸人之耳目不知
者遂誤以爲端人正士而尊信之而暗中受其迷惑者多矣
嘉慶十四年六月有戶部郎中劉洋家馬先生訐告主人案
刑部訊明定罪枷號刑部大門前一月門客之事如此儒生
議論不能一也要之當使自好者心知其意故就經生所未
通獮祭類林所未詳者爲之正義

先生釋義

釋名言古者稱師曰先生管子弟子職云先生施教先生乃
作先生乃坐先生將食先生已食先生有命先生欲作先生

將息先生已息是也先生者韓詩外傳云古之謂知道者曰先生何也猶言先醒也不問道術之人冥於得失不知禮之所由眊眊乎其猶醉也故世有先醒者有後醒者有不醒者賈子新書先醒云世主恹恹如醉也而賢主昭然先悟譬猶俱醉而獨先醒也是以先生爲先醒意林風俗通云先生當如醒學者譬之如醉言生俱醉獨有醒者是以先生爲醒生也師稱先生見於書者若弟子職又大戴禮五帝德云汝何以爲先生難言之列子黃帝篇云神巫謂列子曰子之先生墨子弟子稱墨子先生孟子弟子樂正子曰先生何爲出此言是也先生亦爲有齒齷者孟子謂宋牼曰先生之志則大癸已存稿

卷四

三

連筠蓀叢書
靈石楊氏榮

矣趙岐注云學士年長者謂之先生齊策孟嘗君云三先生高誘注云先生長老先已以生者也曲禮先生鄭康成注云老人教學者急就章先生顏師古注云先生謂老成之人大戴禮曾子立事云其少不誡誦其壯不論議其老不教誨亦可謂無業之人矣荀子臣道篇云者艾而信可以爲師法行篇云孔子曰老而不教死無思也然則教誨老者之業故曰先生孔子先覺早歲弟子益進則屈原橘頌云年歲雖少可師長古人以先醒說先生也師之師曰老師史記云荀卿最爲老師如仙徒稱郝鑿爲老先生是也同爲師儒則年長者爲老先生漢書賈誼傳云諸老先生對誼年少言之或又推

老師爲太老先生何氏語林云唐元亨卒門人私謚曰太老
先生是也老先生或止稱先稱生史記晁錯傳云學刑
名於軹張恢先所徐廣曰先卽先生傳又云鄧先注猶曰鄧
先生也匈奴傳云其儒先裴駟曰先先生也二文漢書俱作
生梅福傳云叔孫先非不忠叔孫通傳云諸生喜曰叔孫生
聖人叔孫先叔孫生皆叔孫先生也漢書高帝紀云以魏地
萬戶封生注生猶言先生貢禹傳元帝九稱生皆先生賈誼
傳云諸生於是以爲能卽諸老先生漢書列傳三十六贊云
桓寬曰聞汝南朱生言宋祁曰生上當添先字非矣先生稱
先稱生弟子亦稱生後漢書延篤師稱篤延生鄭康成師稱
癸巳存稿

卷四

三

連筠篲叢書
靈石楊氏棗

康成鄭生以博士稱先生故有經業皆曰生受經曰經生入
學曰學生在門曰門生漢初九流待詔皆曰先生衛宏漢官
儀云博士稱先生以其九流中有學業文帝稱賈誼曰吾久
不見賈生武帝謂東方朔曰先生起自責也史記五帝本紀
云薦紳先生漢書路温舒傳云盛服先生後漢書儒林傳云
服儒衣稱先生褚先生續史記自署先生以其官稱之也先
生亦父兄稱生徒有弟子名故師同父兄稱莊子讓王篇列
子妻稱列子爲先生列女傳黔婁妻稱黔婁爲先生是夫亦
同父兄稱以其在家爲長也術士亦稱先生史記蔡澤稱唐
舉爲先生淮南人間訓宋人家有黑牛生白犢以問先生先

生曰吉祥也

列子說符篇
先生作孔子

南史吉士瞻傳就江陵卜者王先

生計祿命是也莊子人閒世匠石弟子云先生不肖視是工

匠亦稱先生道士則從古以道術稱先生江淮異人錄盜稱

聶尊師亦曰先生又耿先生則女冠也今瞽者曰先生女瞽

則曰女先稱謂繁雜舊唐書職官志太常寺云養德邨園聲

實明著謚曰先生梁元帝金樓子序自署先生曰余於人世

爲不賤矣皇甫謐陶潛王通孟郊胡瑗及程朱稱先生皆表

異之宋史謝絳傳云奏言近世不逞之徒託言術數以先生

處士自名秃巾短褐內結權倖外走州邑此又山人墨客之

依託者與夫猥雜之稱矜張之論皆不足道也

癸巳存稿

卷四

三

連筠篔簹書
靈石楊氏琛

白

冠服有章采惟喪則用白所謂素無章彩也三統尙白自有
章采常服亦采綠禮曰白者孝子之有素心也衰用粗麻色
近緇緇白與元之閒色也元與神交之道也故齋用元梁陸
法和知元帝將敗著麤白布衫袴布邪巾周檀特師傳則魏
文帝喪周文布帽夫人及兒喪白絹帽絹者古之錫布者言
不染則本白色周官保章氏五雲之物注云白則喪疏言此
據陰陽書是有天道焉古屋美曰白屋管子輕重丁云表稱
貸之家墜白其門高其閒後世則貧家曰白屋貴人有喪則
白屋續漢書禮儀志皇帝白布幕素裏漢書翟方進傳云柱

之言又論書籍云近事禍福利病可爲誠者以訓子弟勝於說古事亦通言也其言女擾母家顏氏家訓云婦人之性率寵子壻而虐兒婦寵壻則兄弟怨生虐婦則姊妹讒行女之行留皆得罪於其家者母實爲之諺曰落索阿姑餐此其相報也夫婦皆人子女必爲人婦久之卽爲人母自受之又自作之其不悟爲可歎也

君前臣名

君前臣名父前子名當通其意君前臣名者在君前亦當名其父然是切要指陳不得不名非侃侃而談故抑父以尊君也左傳成十六年欒書將中軍其子欒鍼爲公右公陷於癸巳存稿

卷四

三

連筠蓀叢書
靈石楊氏棗

淖欒書將載公鍼曰書退國有大任焉得專之且侵官冒也失官慢也離局姦也有三罪焉不可犯也鍼侃侃而談可謂喪心病狂書爲逆臣固當有此逆子襄二十一年欒盈出奔辭於周行人曰昔陪臣書輸力王室其子鷹不能保任其父之勞大君若棄書之力而思鷹之罪臣戮餘也盈述書勞乞憐常態仇直無私定其父之罪而曰鷹也鷹也則倫常之醜至欒氏而極矣又文十五年宋華耦來盟公宴之辭曰君之先臣督得罪於宋殤公名在諸侯之策臣承其祀豈敢辱君請承命於亞旅耦無故名督而暴其惡亦天地閒戾氣所鍾晉父以求媚於君仁明之主所不受也

夢感

墨莊漫錄云東坡先生知揚州夢在山林間猛虎來噬公方驚怖一紫袍黃冠以袖障公叱虎使去明日有道士投謁曰昨夜不驚畏否公曰鼠子乃敢爾吾本欲杖汝脊豈不知汝夜來術耶道士駭惶而退此知州聰明過人處元史釋老傳云張留孫留待闕下昭睿聖順皇后得疾召留孫祈禱既而后夢有朱衣長髯從甲士導朱輦白獸行草間者卽所祀漢祖天師畫像其事亦見道教碑由禱得之非如揚州道士橫相干也超勇公海蘭察微時以事赴京感疾甚困夢至德勝門經故太傅明珠第牆外見倚牆有小閣登之有老喇嘛跏趺坐公憑欄見紅衣少婦哭而來意疑之避喇嘛後少婦拜喇嘛訖哭而起欲赴公喇嘛以袖障之移時始哭而去公驚覺汗出疾愈明日在市遇所夢喇嘛屢目公公輒避之公素信佛此事尤不愧也宋王銍默記言宴臨淄守陳伏暑中思江南盛冬烘柿李宗易以術致四大食合宴曰此人能如此甚事不可做自是遂疏之陳振孫書錄解題自言宰南城日不識白玉蟾謂妖妄之流何可使及吾門近陽湖孫君星衡不肖供佛言其鄉鄭鄭之禍由其父信仙佛遺禍至酷不與

溫體仁事也

門地

癸巳存稿

卷四

三

連筠蓀叢書
靈石楊氏棗

東坡先生夢見猛虎來噬公方驚怖一紫袍黃冠以袖障公叱虎使去明日有道士投謁曰昨夜不驚畏否公曰鼠子乃敢爾吾本欲杖汝脊豈不知汝夜來術耶道士駭惶而退此知州聰明過人處元史釋老傳云張留孫留待闕下昭睿聖順皇后得疾召留孫祈禱既而后夢有朱衣長髯從甲士導朱輦白獸行草間者卽所祀漢祖天師畫像其事亦見道教碑由禱得之非如揚州道士橫相干也超勇公海蘭察微時以事赴京感疾甚困夢至德勝門經故太傅明珠第牆外見倚牆有小閣登之有老喇嘛跏趺坐公憑欄見紅衣少婦哭而來意疑之避喇嘛後少婦拜喇嘛訖哭而起欲赴公喇嘛以袖障之移時始哭而去公驚覺汗出疾愈明日在市遇所夢喇嘛屢目公公輒避之公素信佛此事尤不愧也宋王銍默記言宴臨淄守陳伏暑中思江南盛冬烘柿李宗易以術致四大食合宴曰此人能如此甚事不可做自是遂疏之陳振孫書錄解題自言宰南城日不識白玉蟾謂妖妄之流何可使及吾門近陽湖孫君星衡不肖供佛言其鄉鄭鄭之禍由其父信仙佛遺禍至酷不與

漢書陳涉傳云王侯將相豈有種乎淮南子地形訓云聖人生庶人論衡云鳥無世鳳皇獸無種麒麟此言人貴自立也韓非子亾微篇云種類不壽亦氣類所感左傳云部婁無松柏唐書來濟傳云護兒兒作相世男兒作匠將相豈有種哉蓋輕薄之詞左傳云明德之後必有達人言世德也晉書王沈傳釋時論云公門有公卿門有卿多士豐於貴族爵命不出閨庭北齊邢劭太尉韓公墓誌云雖將相無種而公卿有門言門蔭子弟也史記孟嘗君列傳云文聞將門必有將相門必有相田叔列傳云趙禹曰吾聞之將門之下必有將類三國志曹植傳北史李彪傳俱引諺曰相門有相將門有將癸巳存稿

卷四

三

連筠蓀叢書
靈石楊氏棗

張端義貴耳集云張浚開建康幕府取幕客命與術者推算皆非貴人浚不樂曰要作國家大事幕下無三五人宰執侍從如何成功此言門下士也

朝奉

徽州人稱朝奉讀書人多笑之按宋史職官志九云朝奉郎員外則朝奉卽員外階夷堅志稱富人爲員外言賜爵不在正員古有賜復有賜爵朝奉者賜爵階也如琉球築登之親雲上從七品築登之正九品築登之座從九品其民人相稱爲某地築登之座亦古員外意徽州多唐宋舊族古言未改朝奉孺人非外間所知方回桐江集有村老呼予老朝奉者

詩是宋時語證

俗稱

論語云四海之內皆兄弟也史記季布傳云季心弟畜灌夫籍福之屬枚乘七發云遠方交遊兄弟後漢書趙壹傳云實望仁兄昭其懸遲魏臧洪傳云洪見紹呼張陳留為兄袁紹呼張則府君亦宜為弟謂張起呂布傳注英雄記云布名備為弟

又引九州春秋云諸將其飲食作弟兄公孫淵傳注漢晉春秋云權謂淵使曰必與弟同休戚又曰司馬懿所向無前深為弟憂之蜀志關侯傳注引蜀記云徐晃下馬宣令曰得關雲長頭者賞金千金雲長驚謂晃曰大兄是何言也晃曰此

癸巳存稿

卷四

三

連筠蓀叢書
靈石楊氏采

國之事耳呂蒙謂魯肅曰大兄何見事之晚乎又馬騰韓遂結異姓兄弟晉書載記涼張祚與張重華嬖臣趙長等結為異姓兄弟北史元文遙傳云文遙謂子師盧思道曰小兒比日微有所知是大弟之力朝野僉載云來俊臣謂周興曰有丙狀勘老兄韓愈詩云雲夫老兄有狂氣王季友詩云于公大笑向予說小弟丹青能爾為生經云向獵師索鹿肉曰惟兄施肉令弟得食報以傷曰此人為善哉謂我以為兄其詞如支體便持一膊與白居易詩云每被老元偷格律又云攜將小蠻去報得老劉來又云時時訪老陳

稱名

婦人謂嫁曰歸趙策云太后嫁女於燕祝其毋返故古人謂之歸善頌善禱之義也以母家言之則曰出嫁故以其所生者爲外爾雅釋親云母之兄弟爲舅又云謂我舅者我謂之甥姊妹之子當曰外甥也釋親又云男子謂姊妹之子曰出則經師纂集不足爲據左傳陳我周之自出國語姬氏出自天竈謂姜氏女出自自出以母姓言之非甥名也釋親又云妻之

兄弟姊妹之夫二人相謂俱曰甥如此又當相謂爲舅耶劉熙釋名云妻之昆弟曰外甥承謬飾非矣今稱曰舅母之兄

弟曰舅舅

上論言舅舅隆科多世宗憲皇帝

亦曰舅父

史記齊悼惠王世家

妻之姊

妹曰姨

詩邢侯之姨左傳蔡侯謂息夫人曰吾姨也

母之姊妹曰姨母

史記齊悼惠王世家

癸巳存稿

卷四

五

連筠蓂叢書靈石楊氏采

索隱舅與姨者夫荅妻之稱婦稱夫之兄弟姊妹曰伯叔曰姑故荅之一曰夫婦之間降就子稱穀梁春秋齊陳乞難言其妻則曰常之母婦人亦多言兒父也

女人稱謂貴重

房山石經山雲居寺有遼清寧四年鑄經記碑稱刺史子婦司徒娘子耶律氏女小娘子三寶奴京城憫忠寺遼石函字有云玉錢一韓家小娘子施蓋娘子以稱內主其閨女則稱小娘子也金史海陵以第二娘子大氏爲貴妃第三娘子蕭氏爲昭容丙子平宋錄云至元十三年正月甲申丞相至皋亭山丞相娘子來到丞相曰你吃一盞酒大事未了你回去

者娘子回程蓋初譯時以娘子爲一家尊稱六朝唐人相沿
遼金元皆承用之或笑其俚不知其託意至高也宋曾慥高
齋漫錄云王安石在金陵貽老姥病瘵藥老姥酬以麻線一
縷曰相公好將歸人事相婆也安石好受之婆因公生義如
言周公周姥又公婆公姥對娘子耶君對乾州唐乾隆有石
刻金皇弟都統經略耶君行記耶君是奴稱主知娘子亦奴
稱主也

姬媵

姬者美女之稱漢書文帝紀注師古說取通蓋自周時人皆
以王姬爲貴女子美者稱姬猶男子賢者稱君子矣君子之
癸巳存稿
卷四
早
連筠蓀叢書
靈石楊氏棗
義家語云是成其親爲君禮則云君子之子或王肅及見佳
本未可非也君子不必是君之子姬何必定姬姓乎如淳曰
姬音怡蓋古音或曰今媵娘是姬娘此卻不然母之姊妹曰
從母今日媵貴妾呼媵若以爲主母之姊妹也者卽古之娣
媵又以明女君不妒忌其意美矣

大人

燕策云雖大男子裁如嬰兒賈子新書云胡大人難親也若
上於胡嬰兒及貴人子加之惠大人對嬰兒之稱也召誥云
有王雖小檀弓云公輸若方小小對大之稱潛夫論考績云
大人不考功則子孫惰大學章句云大學者大人之學也寶

牖閒評云前古大人無不守歲者今小兒亦不復講

出夫出夫之說見於春官疏而或謂其出於三疏者

說苑云太公望故老婦之出夫也按娶妻故有出婦贅壻則

有出夫太公汲人避紂於東海為贅壻又被出耳古人稱名

必其義委曲可通出兼男女即寡與獨亦兼男女惟女不稱

鰥嫌夜思人道也左傳齊崔杼生成及疆而寡注云偏喪曰

寡則兼男女也詩鴻雁傳云偏喪曰寡本是達詁正義云偏

喪之寡婦則望文為訓後漢書劉翊傳云鰥獨則助營妻娶

注云無夫曰獨按此傳文獨當屬男管子云所謂合獨者凡

國都皆有掌媒丈夫無妻曰鰥婦人無夫曰寡取鰥寡而和

癸巳存稿 卷四 望 連筠移叢書 靈石楊氏采

合之予之田宅而室家之三年然後事之此之謂合獨則獨

亦兼男女矣

孀母

孀母見宋書何承天傳北齊書恩倖傳云陸令萱鞠養後主

後主謂之阿孀阿孀之稱又為尊矣非乳母之名也釋藏賴

字函隋譯善思童子經有孀母宋敏求唐大詔令二十五有

贈孀婆元氏潁川郡太夫人制

諱法舊事

諱自周有之南朝有觸者必流涕而起唐律名例三疏議云

假父祖名常不得任太常官名卿不得任卿職選司惟責三

代官名不得犯名冒榮若犯高祖名者非職制中疏議云父祖名衛不得於諸衛任官名安不得任長安縣職名軍不得作將軍名卿不得居卿任蓋家諱惟責本身非通行於人唐語林云唐人諱及偏旁李衛公諱吉不受周衡謁衡詰以賈山家不言出謝石家不立碑又連載一條衛公語王起云姚顛不可在去流內則不受周謁非爲偏旁周說誣矣五代史唐明宗紀云天成三年二月癸未貶工部尙書盧文紀時除于鄴爲工部郎中文紀家諱業舊例僚屬名與長官諱同或改其任而中書未議改文紀自請連假鄴就位差延州文紀言候鄴還終請換曹鄴自經死故文紀貶亦偏旁事也宋王

癸巳存稿

卷四

聖

連筠蓀叢書
靈石楊氏棗

祿燕翼貽謀錄云雍熙二年六月辛丑詔內外臣僚三代名諱止可行於己州縣長吏不得出家諱其官稱犯高曾祖父諱者不得冒居而張端義貴耳集云趙文仲在楚州有趙倡新至文仲問其何來荅言因求一碗飯方到此文仲怒其及已名又及其父名立斬之蓋趙方兒趙范也趙家聞家諱必哭蓋是作僞金史白華傳云李述魯久住入宋謁趙范更姓名范用吉范怒其觸諱易其姓曰花其惡豈足倡乎惟顏氏家訓記一條云揚都一士人諱審而沈氏人不書姓又有諱友諱同諱清諱和一座百犯子姓辛苦無聊蕭管傳宗如周有一條云有人訴事於如周疑爲汝州官稱爲汝州如周怒

曰爾敢呼我名其人曰祗言官作汝州不知官名如周早知
官名如周則不敢喚作汝州南史記一事云王攸子亮爲晉
陵太守晉陵令沈疇之犯亮諱亮啟代之疇之造坐言曰未
知明府諱若攸若無骸尊旁犬猷若犬旁無骸尊猶若有心
悠若無心攸乞告示亮下牀跳走周密齊東野語記一事云
宣和中徐申知常州一邑宰言前有三狀申府未報申怒責
之邑宰曰今申府不報當申監司申戶部申臺申省申來申
去直待申報方休言畢長揖退此可舒憤懣者也

癸巳存稿

卷四

墨

連筠篔叢書
靈石楊氏采

癸巳存稿卷之五十四里北至秦家溝又四十里東至大晏橋

會通河水道記

縣東自大晏橋三十里南至秦家溝又四十里東至大晏橋

元時自安山西南開渠引汶絕濟由壽張西又北徑今東昌至臨清入衛爲會通河凡三百五十里河渠志云起須城安山西南而西北至臨清御河凡建閘三十一明洪武時黃河決原武會通淤永樂九年尙書宋禮用汶上縣老人鄉官白名

英策於東平戴村築石壩五里以遏汶水使全注於汶上縣西南之南旺湖置分水口四分南行接泗及南清六分北行

於元渠之西鑿渠由汶上之袁口至沙灣入元渠達臨清接癸巳存稿

卷五

一

連筠移叢書
靈石楊氏栗

衛又濬深河身則今會通河也汶水至南旺勢南趨謹閉柳林開導之北行或言汶水七歸南三歸北以地勢言也朱國盛治河書云南旺湖全形北高南下七歸南者地勢三歸北者閘功湖在汶上縣西三十里宋與梁山濬合周三百餘里明時環九十三里環築堤計一萬五千六百餘丈山東通志漕河志同則專指汶西湖身言之泉河史云南旺湖跨漕河東西東湖則跨汶水南北在汶南曰蜀山湖在汶北曰馬踰湖圍百五十里明嘉靖二十年定立界石周圍植柳以防侵地盜種東自大晏橋三十里南至秦家舊閘又四十六里西至孤柳樹又三十四里北至宏仁橋又四十里東至大晏橋

合百五十里通三湖言之居濟一得云蜀山湖一名南旺東湖周六十五里百二十步爲地千八百九十餘頃山東通志則云周六十里運河備考云馬蹋湖圍堤三千三百餘丈山東通志則云五千九百六十三丈濟寧直隸州志云堤周三里所載今昔異制皆爲水櫃湖有閘及斗門以泄水州志云南旺湖西南有岔生閘泄水入牛頭河是也自南旺分水口五里至北十里閘爲下閘其南十里柳林閘爲上閘自北十里閘二十七里至袁口閘又西十八里至東平州安山閘閘河西舊有湖周六十五里有閘四堤口六明永樂時創之爲水櫃時黃河北流未絕湖受河水以濟會通東平州西十里

癸巳存稿

卷五

二

連筠篔簹叢書
靈石楊氏乘

里有安民亭遺址水經注濟水西有安民亭亭北對安民山經言汶水從東北來注之今湖中似蛇溝閘址故濟所道或曰溝卽汶水注之長直溝也順治七年湖以黃河漫淤雍正三年內閣學士何國宗議復之十一年巡撫岳濬以水無來源又測湖地卑於會通河地非甚泛濫不能放水入運又沙底善漏水請停乾隆十四年定勿墾升科又自安山閘北三十里至戴家廟閘東岸有閘泄漲及西岸坡水坡卽水經注波也自戴家廟閘北四十五里徑壽張之沙灣東阿之張秋抵陽穀之荆門上閘自坡水北至張秋西岸有大清河上游之兩派統爲北清河其趙王河上爲濰河賈魯河賈魯河由

儀封黃陵岡徑祥符地歷曹縣濮州鄆城汶上壽張陽穀地復至壽張沙灣之積水闌入會通河沙河上爲清河瓠子河魏河魏河由開州徑濮州范縣壽張東阿地復由沙灣大壩折而北入引河由道人橋至引河口入會通河則東阿縣地也東岸有三空橋及八里廟之滾水壩及五空橋泄西岸兩派水東會東平戴村北之汶水旁流爲大清河東北徑東阿平陰肥城長清齊河歷城濟陽齊東青城惠民蒲臺濱州地至利津牡蠣口入海按古濟瀆今定陶至歷城之水遷徙不遠其故道皆是水經注引王莽時濟流絕但言滎澤一處非謂濟水都亾也杜佑通典橫謂清水非濟言地理者酷信之

癸巳存稿

卷五

三

連筠篔叢書
靈石楊氏棊

羅泌路史餘論乃謂歷城之泉是濟千里所發則濼口以上皆非濟水于欽齊乘以地高下計之證濼泉非濟其論通矣濟過會通至華不注迤東北則禹貢錐指所謂貫溧水舊渠其自濟陽以下又隨宋時決河東北去此古今渠之異錐指亦未能詳也沙灣東岸有挂劍臺曹家單薄葦河頭爲歷年黃河決流所經尋覽碑蹟所記立臺植表聯索貫舟負薪囊土沈石壓埽費帑愁人旣則黃流上斷清汶東流張秋以北車徒接於故瀆糧艘在陸舟子步嬉卽又閉閘築堰修堤置墩工畢樂成著詩金石視事考文俱成典故張秋西接濮范金隄南捍勢若長虹漢文帝十二年建始四年梁龍德三年

晉開運元年周顯德五年宋景德元年嘉祐五年熙寧十年
皆有河水流汎金明昌五年河瀆改移皆在安山之北明正
統十三年河決潰沙灣景泰六年徐有貞築金隄卽此也其
東北魚山卽漢孝武宣房歌所謂吾山平者惟張秋之名未
顯山東通志河防志云宋史河渠志周顯德五年命宰相李
穀治張秋決河張秋名始見此冊府元龜云顯德元年十一
月戊戌命宰相李穀治河二年三月壬午穀回見薛史亦在
元年時河決自楊劉至博州或穀駐張秋歟張秋元時名景
德鎮置都水分監明宏治七年賜名安平鎮沙灣南去鎮城
十里其上游黃陵岡河防數潰衝曹濮宋金河決陽武後由
癸巳存稿

卷五

四

連筠移叢書
靈石楊氏棗

濟泗分派入淮海十里之間浩淼矣元至元時會通河成黃
河大勢南趨而賈魯瓠子及荷澤水之行於濟故瀆者亦未
能絕明宏治八年劉大夏築斷黃陵岡後上下決流若金龍
口古黃池之潰會通病焉蓋張秋沙灣古兼河濟二瀆自黃
陵岡之役百四十年至崇禎七年而張秋始決劉公之澤遠
矣自荆門上閘北七十一里至聊城通濟開城東南龍灣西
岸漯河由南進水閘及永通閘涵洞入漯河者上游自朝城
陽穀又西北越莘縣界復由陽穀至聊城出會通之東岸二
空橋一空橋爲湄河鳴犢河土河徒駭河北至博平經高唐
禹城齊河臨邑濟陽商河惠民濱州地至霑化大洋堡口入

海山東通志龍灣有三空橋四空橋今已湮不復修其五空橋則分流入大清河者今亦湮禹貢雖指云漯爲周漢黃河所占漢志一出東武陽一出高唐據漢成帝後言之水經注之漯則西漢末至北魏之漯川今漯過會通而易名以非古蹟也自通濟閘西北五十里至堂邑博平二縣之土橋閘其魏灣西岸中閘口及元谷涵洞納馬頰河水馬頰無水源其渠自元城朝城莘縣冠縣地至堂邑出會通東岸之減水閘滾水壩始有水徑博平清平高唐夏津恩縣平原陵縣德州德平樂陵慶雲地至海豐月河口入海龍灣則東漢以後水經之大河所經稍南則唐至宋初大河所經元和郡縣志大

癸巳存稿

卷五

五

通筠後叢書
靈石楊氏棊

河在聊城南四十三里是也魏灣則定王至東漢初大河所經以今高唐有古靈縣鳴犢口知之漢書溝洫志引周譜云定王五年河徙蓋禹迹初改春秋宣公七年衛孫良夫盟於魯當此年也又爲宋六塔二股河之東股其後又出今張秋明宏治時始絕流其北股入永濟渠則衛河亦宋黃河也又爲古屯氏河其漯河馬頰徒駭皆非禹名朝城之漯窪水聚流於晉故渠耳徒駭爲土河音轉馬頰則水經注篤馬禹貢雖指云唐馬頰河出澶州清豐界東北流至平原合篤馬河卽此河是也水經注亦有馬頰水則今東阿之馬頰口道也自土橋閘西北七十五里至臨清輒閘又二里至板閘博平

北爲清平地清平北卽臨清其名由清河清河者衛河也初元會通出臨清陡峻數壞舟明宏治時白昂於軹闢南置板閘劉大夏成之出閘爲衛河衛出輝縣百泉經新鄉汲縣淇縣濬縣滑縣湯陰內黃大名元城館陶一名清河從清漳名也又曰御河隋征遼道也又曰永濟渠衛納小丹出河內丹谷口其大丹由沁入黃小丹自石斗門分流修武獲嘉至新鄉合河鎮入衛洹湯淇至館陶合漳漳出長子曰濁漳出平定州平縣者曰清漳至臨漳縣合流明會漳水一自臨漳北經大名至武邑入滹沱楊錫紱漕運則例纂卷十一衛河考因之誤北流乃溢水非漳水別流也至館陶入衛至臨清納汶由清河夏津武城故城恩縣德州景

州吳橋東光交河南皮滄州青縣納滹沱河由靜海至天津

癸巳存稿

卷五

六

連筠箒叢書
靈石楊氏榮

三岔口東入於海糧艘自岔口北轉白河達順天通州自分水口至板閘今爲水程三百二十三里北流水改六分嘉慶丁巳秋自汶上汎舟至臨清檢書記之時九月七日也明徐有貞治河書云南旺湖測與濟寧太白樓岑齊南旺至臺兒莊地降百十六尺全河備考云安山北至臨清地降下九十九尺其自分水口南行者改分水四分出柳林閘徑嘉祥東又東南徑馬場湖西鉅野東又東南徑濟寧西納泲水泗水又東南徑魚台東北獨山湖西昭陽湖東又東南徑沛縣東北又東南徑滕縣南其河跨湖南曰昭陽曰南陽曰微山北曰獨山實一湖也微山湖西北承南旺馬場昭陽南陽之水北

承獨山之水又納趙王河牛頭河坡水以濟江南運河又東
南徑嶧縣中歷八閘又東南徑邳州今西納沂水其北曰駱
馬湖又東南徑宿遷北納沭水又東南徑桃源北又東南徑
清河治今北楊家莊至河口入黃河初運河於徐沛東張莊入
黃河然去清江浦運口遠運船歷黃河險二百里康熙二十
七年就黃河之北岸開中河漸移而東南曰仲家莊口入對
岸清口行黃河止七里四十二年以仲家莊口挾駱馬湖諸
水逼黃河南倚居清口上游恐病清口乃改而東南爲楊家
莊口與清口相直

高家堰

癸巳存稿

卷五

七

連筠篔叢書
靈石楊氏棗

淮舊合泗處曰泗口後合河處曰清口清口上流曰洪澤湖
淮不敵河則上流溢又開封歸德徐州黃河南岸決入淮歸
湖則漸淤益溢多東決又自淮至楊管家湖射陽湖白馬湖
汜光湖石臼湖暨社湖武安湖邵伯湖皆在淮水東南爲湖
漕路皆築隄水中爲甬道以行舟淮溢則壞甬隄東爲下
河州縣九田廬皆淹明永樂八年陳瑄督湖漕工初漢末曹
孫各務屯田廢郡縣置典農建安五年陳登於淮東岸築堰
瑄因增之以固淮時謂之高家長隄以其地舊爲高姓所居
嘉靖時總河曾鈞奏猶謂增高家長隄而於下繕新莊閘至
萬厯時總河潘季馴兩河議引府志則謂之高加堰志注云

高加者爲護運道井邑宜加高而名之蓋益加而益高耳是萬厯以前土人謬說也加高非長策史志傳止作高家堰是也洪澤湖於古爲淮浦縣後漸汜爲洪澤鎮爲淮水所蝕浸淫成湖遂合萬家湖泥墩湖富陵湖並爲一湖而昔之淮浦富陵兩縣泗州一州總爲大澤不得以堰爲重堰起東北武家墩而南經大小澗至阜寧其時高良澗大澗口多決萬厯三年高家堰決六十里七年補築城十九年易以石工淮七十二溪之水留口門一僅數丈二十三年高家堰又決兼決高良澗時張企程請無修高家堰而於堰南五十里開周家橋注草子湖一由金家灣入苾稻河注江一由子嬰溝入

癸巳存稿

卷五

八

連筠篔叢書
靈石楊氏棗

廣洋湖注海於堰北十五里開武家墩注永濟河而由窰灣間出涇河入射陽湖注海議不全行二十四年築高家堰成建武家墩高良澗周家橋石閘泄水入海其支流入江國朝康熙十五年黃河入洪澤湖而高家堰決三十四處十六年以次塞之二十三年靳輔以爲河盛則淮漲因以病運病下河因請建黃河南岸之碭山毛城鋪徐州王家山十八里屯睢寧峯山龍虎山等處減水閘壩九其因山根岡址鑿爲天然閘者七由睢溪口靈芝孟山等湖入洪澤湖蓋以清口淮不敵河因於上游減河流入淮以助淮則清口河淮平又以上游河多決溢不能制故爲此權宜之法而淮之洪澤

不能不淤也二十五年修築高家堰隄工萬五千六百餘丈
爲淮之東南岸南起泗州老子山池東北百五十餘里至清
口其北岸抵御壩又於堰立三壩其周橋高地就爲天然壩
以接堰堰成淮出磚工口口外立轉水墩分水七分出清口
三分爲回溜東南入運外有汰黃堤以禦黃後又添築順黃
隄乾隆十六年拆轉水墩湖北立東清壩河南添禦黃壩於
堰之三壩增二壩爲仁義禮智信五壩立水誌八尺五寸爲
啟閉補周橋堰後水誌高一丈八尺八寸後高二丈嘉慶九
年移禦黃壩於北退東清壩於南修復毛城鋪以下減閘又
開虎山腰減黃入淮中間十年義壩壞十一年十七年禮壩
癸巳存稿

卷五

九

連筠蓀叢書
靈石楊氏棗

智壩壞仁壩義壩亦壞乃改仁義禮三壩於蔣家壩南以次
稍南皆開引河入蔣家壩河出寶應湖三十三年東清禦黃
各增一壩爲重門道光四年高家堰決復修之十二年改信
壩於九堡下夏家橋

泰山

史記正義引道書福地記泰山高四千九百丈二尺漢官儀
云泰山高四十里郭璞云泰山高四十八里三百步泰山道
里記云明張五典度量泰山節次平水計之高七百三十六
步六分八釐爲三百六十八丈三尺四寸小滄浪筆談云以
測望置算比城中試院地高四百七十七丈九寸又二十一

分寸之一

封禁山說

陝西封禁山爲終南裹山綿亘八百餘里地界岐山鳳翔郿武功盩厔鄠咸寧長安藍田九縣分段管理謂之老林向例封禁其中子午谷一道亦封禁乾隆四十年間以金川軍報開此道較舊驛爲近嘉慶四年十月議開山內地斫伐老林墾田設營五年四月於五郎廳地方立寧陝鎮設總兵置墩汛老林量漸所伐地畝撥給流民其幽仄險峻人迹罕到之區查明封禁江西之封禁山則宋時由今鉛山分水關置驛入今崇安由今廣豐柘陽關置驛入今浦城其崇安鉛山之癸巳存稿

卷五

十

連筠蓀叢書
靈石楊氏采

東浦城廣豐之西空棄銅塘山箐險阻地數百里曰封禁山明正統時處州賊葉宗榴據之永豐知縣追捕遇害總兵戚繼光討平之遂禁冶設隘置汛戍其地曰銅塘曰張灣隘曰楓林隘萬厯時議開冶守土者奏止之順治初山賊楊文竄入山姦民請采木植於風景山十年江西巡撫蔡士英查風景山亦書作封景山乃封禁山奏請復加封禁康熙五十九年搜查山中並無藏匪雍正三年江西巡撫奏封禁山事宜上諭云若當開則不得因循當禁則不宜依違但不存貪功圖利之心實心爲地方興利除弊何事不可爲也今封禁地漸縮削戶部例封禁者銅塘山中零星地畝及浙江象山縣

大小南田樊嶼鵝頭大佛頭大月嶼箬魚山等處荒田象山今設石浦同知爲廳而湖南永明縣塘下源等處山場以民獠爭墾封禁蓋封禁地由外墾入內則不慮藏姦而材木地畝民得其利梁書顧憲之傳云時於宣城臨城定陵三縣界立屯封山澤數百里禁樵采憲之固陳不可卽命無禁此今宣城涇石埭地富庶文秀地當就近人者以次墾之則有利無弊往事其明證也

北海

初以中國不見北海祭北海神於濟源康熙二十五年改望祭於吉林混同江邊乾隆四十三年改於山海關

癸巳存稿

卷五

士

連筠蓀叢書
靈石楊氏栞

熱河

睿親王於順治四年七月丁卯奉

駕出獨石口至上都河至喀喇河屯八月乙未還京在前代爲朵顏衛地永樂時棄之者也卽今熱河地時議築城加賦順治七年十一月王獵于邊外十二月王薨遂停止築城事

聖祖御製

孝陵聖德神功碑言停止邊外城工指熱河事也康熙十六年駐蹕和爾和克必喇及喀喇河屯在今灤平縣北今山莊西南三十五里後屢展圍場喀喇沁翁牛特巴林克什克騰計牧地上供均得厚賞四十二年建

避暑山莊五十二年築城京城往還由十八盤嶺後乃改由常山峪雍正十一年置承德州乾隆五年設熱河道七年罷州改廳移治喀喇河屯四十三年置承德府以喀喇河屯廳爲灤平縣爲府治以四旗廳爲豐寧縣入溝廳爲平泉州塔子溝廳爲建昌縣烏闌哈達廳爲赤峯縣三座塔廳爲朝陽縣五縣一州仍舊廳時同知通判銜爲知州知縣屬於府設副都統嘉慶十五年設都統增四廳理事司員則平泉朝陽建昌赤峯地也道光八年承德放照鎮迪道例事務俱歸都統

書明洪武四年進士題名錄後

癸巳存稿

卷五

三

連筠篔叢書
靈石楊氏栞

明洪武四年進士題名錄三甲一百二十人寫本卽菽園雜記中所言及見者謂此榜無一直隸人蓋菽園本最佳此科會試錄宋濂序云京畿鄉試中式者七十二人未及貢南宮上求治切皆采用之是洪武三年直隸鄉貢獨免會試卽授官而沈德符野獲編是科有高麗人湖廣一省無中式者湖廣誠無之其不言直隸則沈本中有直隸可知明詩綜吳伯宗下載靜志居詩話云嘗購得是科會試錄高麗一人直隸止二人蓋沈與朱兩家所得試錄皆洪武六年以後轉寫失真者沈朱皆未是正之所謂高麗人乃三甲金濤治春秋字仲恬而此本二甲王誼鄧州人下云寓靖江府三甲秦亨貫

下空四格下云府亳州民籍治詩經授登州府黃縣丞其洗
去四字應是河南開封四字後人以亳係直隸鳳陽疑之也
洪武初亳州屬河南開封五年改亳縣屬河南開封府歸德
州六年改屬直隸中立府潁州宏治九年復升亳州屬直隸
鳳陽府然則亳州於洪武四年實屬河南開封府是年直隸
實無一人也

長沙安化寶慶新化

宋史梅山尚傳云熙寧五年潘夙蔡煜喬執中章惇等收其
地東起寧鄉縣司徒嶺西抵邵陽白沙寨北界益陽四里河
南止湘鄉佛子嶺築武陵城關峽城置新化縣今按其地惟
癸巳存稿

卷五

三

連筠篔叢書
靈石楊氏棊

西北爲新化東南北則皆安化地也檢宋志潭州安化注云
熙寧六年置寶慶府新化注云熙寧五年收復梅山以其地
置縣蓋五年置新化屬邵州六年分新化東置安化屬潭州
宋史毛漸傳云漸知寧鄉縣條利害上使者遂建新化安化
二縣漸用是得著作佐郎知安化縣是立新化由章惇分立
安化由毛漸也湖廣通志皆不詳新修湖南通志於建置沿
革康熙四十三年以算邊紅苗地立乾州廳鳳凰廳雍正八
年以六里紅苗地立永綏廳嘉慶二十一年立晃州廳皆不

詳

臺灣

高宗純皇帝御製文三集平定臺灣告成熟河

文廟碑文瀛壖外郡閩嶠南區厥名臺灣古不入圖神禹所略亥步所無本非扼要棄之海隅朱明之世始聞中國紅毛初據鄭氏旋得

孫承澤春明夢餘錄云臺灣在澎湖島外水路距漳泉約兩日夜其地廣衍膏腴可比一大縣

顧祖禹讀史方輿紀要泉州府澎湖云萬厯二十年倭寇犯朝鮮哨者言將侵雞籠淡水雞籠密邇澎湖於是澎湖設戍澎湖由西嶼入三十里曰娘媽嶼可泊舟有銃城天啟二年紅夷求澎湖互市總兵俞咨皋用閒移紅夷於北港而於澎湖已存稿

卷五

函

連筠篔叢書
靈石楊氏葉

湖穩澳增築城守議者謂北港失則澎湖漳泉皆可憂北港在澎湖南亦謂之臺灣天啟以後皆爲紅夷所據
謹案雞籠至福州五虎門五更至泉州金門七更至潮州南澳亦云七更至臺灣四更

黃宗羲行朝錄臺灣者海中荒島也崇禎閒鄭芝龍招飢民數萬載至臺灣人給銀三兩三人給牛一頭芟舍開墾秋成所獲倍於中土紅毛奪其地築臺灣雞籠淡水三城又土城數十

余文儀臺灣府志蔡世遠送黃侍御巡按臺灣序云臺灣居海外在南紀之曲東倚層巒西界漳州海南直粵之東海北

雞籠城與福州對峙地近河沙磯小琉球周袤三千餘里孤
嶼環瀛土壤沃衍禾稻不糞而長物產繁滋果櫻蠃蛤流黃
水藤糖蔗靡不充餘固東南之大聚落也自鷺門金門池遷
以達澎湖可六百餘里又東則至臺之鹿耳門旁夾以七鯤
身北綫尾水淺沙膠紆折難行明嘉靖末海寇林道乾據之
道乾後顏思齊引倭入屯聚鄭芝龍附之未久而荷蘭誘倭
奪之鄭氏破荷蘭爲巢穴傳三世

御批歷代通鑑輯覽崇禎元年鄭芝龍降注云閩素有紅夷
之患紅毛夷卽荷蘭國明史謂之和蘭在西南海中地近佛
郎機其人深目長鼻眉鬚皆赤故又曰紅毛夷

癸巳存稿

卷五

五

連筠移叢書
靈石楊氏棊

皇清職貢圖云喇吧本瓜哇故土爲荷蘭所并

皇朝通考四裔考云噶喇吧在南海中距福建廈門爲水程
二百八十更計一萬六千八百里本瓜哇故地巫來由種也
後屬荷蘭

四裔考荷蘭傳臣等謹案云荷蘭雖占踞噶喇吧而荷蘭之
名久通朝貢故仍其故號以著

聖化之遠云

皇清職貢圖云荷蘭國又名紅毛番地近佛郎機明萬厯間
嘗駕大艦泊香山澳求貢市不果已而入閩據澎湖侵臺灣

地

國朝順治十年始由粵通貢康熙初助大兵征臺有功嗣後貢市不絕其貢道改由福建

四裔考云荷蘭俗稱紅毛番亦曰紅夷在西北海中其西北與佛郎機接去中國水程五萬餘里俗奉天主教與英吉利同明萬厯中侵呂宋泊香山澳入澎湖據臺灣時

本朝天命初年也天命三年荷蘭與噶喇巴合將據澎湖求貢市明發兵擊敗之崇德二年復爲明將鄭芝龍所破餘衆猶據臺灣

謹案澳門紀畧荷蘭人深目長鼻髮眉鬚皆赤足長尺二

寸頤偉非常然不善戰所恃惟巨舟大礮今又析其名曰

癸巳存稿

卷五

六

連筠蓀叢書
靈石楊氏棊

英吉利曰瑞曰璉而此云與英吉利同蓋指居噶喇巴者

言之英吉利亦作英圭黎本荷蘭屬國今侵占荷蘭地

臺海使槎錄云前明紅毛入犯中土肆行焚劫又復勾引劉

香老酋尾衝突海壖騷動

春明夢餘錄云海濱之民至臺灣與紅毛番爲市紅毛業據

之以爲窟穴自臺灣兩日夜可至漳泉內港明永樂間先後

招徠至紅毛番其夷名咬噶巴與佛郎機爭利不相得一心

通市遂據臺灣

高拱乾臺灣府志云紅毛卽荷蘭一曰紅夷一曰波斯胡在

臺灣極西善貨殖無遠不至昔遭風至臺則以牛皮之說誘

佔其地築城互市管束其民

謹案此謂荷蘭從日本得臺灣也日本稅地與之而其人皆從天主教遂失臺灣又肆劫海中安南等國屢受其害故諸國皆惡天主教澳門紀畧云倭不與西洋通市其噶羅巴馬頭鑿十字架於路口武士露刃夾路立商其國者必踐十字路入否則加刃又埋耶穌石像於城關以踐踏之杭州府志載雍正九年總督李衛毀武林天主堂改建天后宮碑云天主教之設心殆有在一見其技於噶爾巴矣再見其技於呂宋矣又幾肆其技於日本矣日本於海口收港登陸之處鑄銅爲天主跪像抵其國不蹈天主像者罪至不赦二文所稱天主像石銅雖異要之跪像則一也天主教不能爲禍至安南見西洋船卽以札船及礮剿之蓋懲汙泥噶喇巴臺灣之已事也

癸巳存稿

卷五

七

連筠修叢書
靈石楊氏棊

小厓外紀云荷蘭時於臺灣南北二路設牛頭司收放生息千百成羣牡閩外腎令壯以耕以輓高拱乾志云臺灣東北有暗澳昔年紅毛泊舟其地無晝夜留二百人居此留一歲之糧次年復至地如長夜留番皆死取火索之石上留字云至秋卽昏黑蓋一年一晝夜云

謹案一年一晝夜以赤道經緯求之其地必不在臺灣天主教人慣學捕風捉影之談不以爲愧故亦著之以上爲

荷蘭據臺灣事以下輯鄭氏據臺灣事

四裔考云順治九年荷蘭通事何斌逋夷賦說鄭成功以水師從鹿耳門入與荷蘭相持久荷蘭戰屢敗棄臺灣走順治十三年八月入貢

賜敕諭曰惟爾荷蘭國墨投爲亞甲必丹物馬綏極僻在西陲海洋險遠虔修職貢朕甚嘉之

赤嵌筆談云荷蘭國取稱富饒乃遇風至臺假地於倭虎視盤踞大有深心逮何斌引鄭成功襲臺荷蘭力戰不克而歸余文儀志引臺灣志畧云鄭成功所犯之處舟至海水爲之暴長順治辛丑攻臺灣紅毛先望見一人冠帶騎鯨入鹿耳門旣而成功舟由是港進

癸巳存稿

卷五

六

連筠蓀叢書
靈石楊氏棠

幸存錄云臺灣城亂石疊高數丈用火燬之堅不受敵鄭氏於城外高山塞其水源紅夷乞降

黃宗羲行朝錄云鄭成功攻臺灣臺民導之日城外山水繞城濠貫城內城內無井塞其水源必因成功從之紅夷乞降王士正香祖筆記云成功入臺灣荷蘭戰不利退保安平鎮城其酋歸一王以死拒之成功環山列營困之荷蘭以舟師戰成功焚之乃遁

逆臣鄭芝龍傳康熙十八年成功勢日蹙乃覬取臺灣以自保臺灣舊爲荷蘭紅毛所有芝龍與顏思齊爲盜時屯於此

後仍歸荷蘭至是成功舟抵鹿耳門阻風濤不得入潮驟長丈餘遂登岸荷蘭拒之成功給曰此地我先人故物珍寶給爾載歸地仍還我荷蘭引去成功入據之

赤嵌筆談云荷蘭爲鄭成功所敗地大震鄭克塽之滅地亦震朱一貴於辛丑作亂庚子地震

余文儀志云順治十八年夏五月鹿耳門水漲丈餘先是鹿耳門水淺僅容小艇出入是月水忽漲成功因之大小戰艦並進忽據臺灣荷蘭敗去

余文儀志引三藩紀事云順治十八年三月鄭成功泊澎湖

次鹿耳門紅夷大驚成功引兵登陸克赤嵌城十二月圍王

癸巳存稿

卷五

充

連筠蓀叢書
靈石楊氏萊

城不下成功使人告之曰此地爲先人故物今我所欲得者地耳餘悉以歸爾荷蘭乃降康熙元年成功卒二年

天子銳意南征遣人約紅夷合兵攻搗大兵旣入兩島之賊爛焉

謹案兩島謂金門廈門

杜臻粵閩巡視紀畧云鄭成功據臺灣號東寧國後成功死其妻董氏復立其子錦

楊捷平閩記云康熙十七年九月二十七日奉到大將軍康親王令諭準兵部清字咨開該議政王議覆福建巡撫吳興祚具題前事據稱荷蘭國馬珍西氏稟稱夾板船到閩隨卽

貿易如有順風卽令發回又稟必得覓一空閒之地蓋房屋住除奉禁貨物之外其餘聽憑貿易並請給

敕如有用本國之處於何年用差遣何事亦應請

敕內注明等語大將軍康親王身在地方定議具題可也

謹案荷蘭助攻二島是挾臺灣之仇康熙十七年卽請於閩覓空閒地蓋房屋住其機心見矣以上爲鄭氏據臺灣

情事以下輯入版圖事

皇朝通考輿地考云福建臺灣府在省治東南之大海中東西距一百餘五里南北距二千八百四十五里自古荒服之地不通中國名曰東蕃明天啟初日本國人屯聚於此鄭芝

癸巳存稿

卷五

辛

連筠篔叢書
靈石楊氏栞

龍附之其後爲紅毛荷蘭夷人所據

本朝順治十七年鄭芝龍子成功寇江南兵敗退至臺地逐荷蘭夷居之僞置承天府後至其孫克塽於康熙二十二年

討平之置臺灣府

逆臣鄭芝龍傳康熙二十一年施琅言不破澎湖臺灣斷無

取理請先取澎湖二十二年六月澎湖降七月臺灣降

杜臻粵閩巡視紀略云康熙二十二年六月初十我師至澎

湖泊舟十二日潮不至乘大霧襲之水驟涌四尺我師遂入

王士正池北偶談云康熙二十二年臺灣平設府一曰臺灣

府縣三曰臺灣曰鳳山曰諸羅又設總兵官分巡廈門道各

一員駐焉幅員之廣古未有也

香祖筆記云臺灣古荒服在福建東南大海中西鄰漳南鄰粵北與閩安相直其水道東連日本南通琉球暹羅呂宋荷蘭諸國康熙癸亥設臺灣府

李調元尾蔗叢談云康熙壬戌鄭氏遣僞官陳廷輝往淡水雞籠采金一老番曰昔日本居臺來取金紅毛奪之紅毛來取鄭氏奪之今又來取必易姓矣明年癸亥我師入臺灣

高拱乾志云臺灣先時琉球日本紅毛相繼竊據鄭氏踵之爲閩廣江浙邊患自入版圖以來山不伏莽海不揚波皆臺灣捍禦之力焉

癸巳存稿

卷五

三

連筠蓀叢書
靈石楊氏棊

聖祖仁皇帝御製文三集

諭武殿試讀卷官日後臺灣不無可慮康熙四十五年十月初六日

聖祖仁皇帝聖訓康熙五十五年十月辛亥

上諭大學士等曰朕訪問海外有呂宋噶囉巴兩處地方噶囉巴乃紅毛國泊船之所呂宋乃西洋泊船之所彼處藏匿盜賊甚多內地之民希圖獲利往往於船上載米帶去並賣船而回甚至有留在彼處之人不可不豫爲措置也

謹案紅毛謂荷蘭西洋謂佛郎機噶囉巴在臺灣西二百

九十一更呂宋在臺灣東南由沙馬磯指巽方經謝崑山

大小覆金山水程五十八更其地俱二國雜治之

又十月壬子

上諭大學士九卿等曰海外有呂宋噶羅巴等處常留漢人自明以來有之此卽海賊之藪也在東洋可使貿易若南洋商船不可令往第當如紅毛等船令其自來耳且出南洋必從海壇經過此處截留不放豈能飛渡乎海外如西洋等國千百年後中國恐受其累此朕逆料之言

謹案南洋開閉隨時此不備載海壇今有總兵官海壇鎮在今福州長樂其北爲閩縣五虎門南爲泉州惠安之崇武港南爲同安金門鎮又西爲廈門鎮又西南爲潮州饒平之南澳鎮又西南爲惠州海豐之碣石鎮

癸巳存稿

卷五

三

連筠蓀叢書
靈石楊氏棊

施琅靖海紀陳臺灣棄留利病疏云臺灣北連吳會南接粵峒延袤數千里山川峻峭港道紆回乃江浙閩粵四省之左護隔澎湖一大洋水道三更明季設水澎標於金門所出汛至澎湖而止水道亦有七更臺灣一地原屬化外土番雜處未入版圖也然其時中國之民潛至生息於其間者已十萬人矣故鄭芝龍爲海寇時倚爲巢穴及崇禎元年芝龍就撫將此地稅與紅毛爲互市之所紅毛遂聯絡土番招納內地人民成一海外之國漸作邊患至順治十八年鄭成功破走之今退伺於噶羅巴無時不在涎貪時思乘隙以圖一爲紅

毛所有其夾板船無敵於海外更得地數千里其性狡黠所到之處善爲蠱惑沿邊諸省斷難晏然今旣隸版圖宜設兵以守

齊召南水道提綱云臺灣懸居海中北自雞籠城沿海而西至淡水城有水口五又西南經南嵌竹塹中港後龍吞韶五社有水口十四又南至諸羅有水口十六又南至府治西有水口八又南東至鳳山有水口二南至沙馬磯千餘里西北爲鹿耳門西爲安平鎮大港西北隔海爲澎湖臺灣西北至澎湖二百里澎湖西北至廈門三百餘里

澳門紀略跋

癸巳存稿

卷五

三

通筠縹叢書
靈石楊氏葉

嘉慶壬戌春始讀澳門紀略愛其奇偉甲子冬張徵君炯以重刊本見貽昔嘗伏讀

聖祖仁皇帝康熙五十五年十月辛亥

聖訓云朕訪問海外有呂宋噶囉巴兩處地方噶囉巴乃紅毛泊船之所呂宋乃西洋泊船之所彼處藏匿盜賊甚多壬子

聖訓云海外如西洋等國千百年後中國恐受其累此朕逆料之言伏惟思慮豫防

聖人善教自俄羅斯西南若荷蘭若紅毛英吉利若佛郎機若大呂宋若意大里亞皆工器械騫利耐遠賈沿海而東而

南用越國鄙遠法占地開墾置斂跋戍兵初海外臺灣荷蘭
日本互爭卒入郡縣版圖澳門則佛郎機意大里亞荷蘭先
先後窺伺而意大里亞於明萬曆九年入居於澳二十九年
荷蘭薄澳崇禎十年又薄廣州荷蘭恃巨礮大船意大里亞
放其礮製破之今澳中十月夷人禳鬼逐紅毛與西藏逐牛
魔王同蓋以爭所居地深怨而實畏之皆掌故也海盜之起
必有窩穢呂宋實佛郎機噶囉巴實荷蘭又安南廣南向亦
畜盜自底滅亡此數國者遠隔重洋辛苦遠戍其用意甚深
既錄得官書四裔考又讀高拱乾及余文儀臺灣府志陳倫
炯海國聞見錄及此澳門紀略而深惡意大里亞及荷蘭荷
癸巳存稿

卷五

五

連筠篔叢書
靈石楊氏棗

蘭旣并淳泥噶囉巴又與佛郎機分瓜哇美洛居又與意大
里亞分地滿其垂涎臺灣靖海紀已昌言之其屢窺澳門有
迹而又畏意大里亞過其前佛郎機躡其後已見於乾隆八
年及十年之師前同知印君光任張君汝霖所以籌畫之者
甚詳惟其事散見非深思者不能得其條理也荷蘭夾板船
此書言有商船戈船二種其製尤備高拱乾臺灣府志述廣
南札船破夾板船式嘗錄出之與四裔考廣南傳合此書及
明史言佛郎機取呂宋以牛皮惑之高志言荷蘭取臺灣亦
然荷蘭之據臺也初養盜後敗於盜凡海上警非盜使外夷
卽外夷使盜此可伴爲不知不可竟不知也荷蘭之屬爲淳

泥爲噶囉巴爲瓜哇爲英吉利爲瑞爲璉佛郎機之據澳也
奉釋教後改奉天主教不十年澳門遂爲意大里亞所有此
二事取可寶貴而今英吉利日強西并米里幹東并望買打
拉者阿英假滿荅拉沙明雅轄徹里庚新埠莽孤蘆舊柔佛
又東南越海并俺門倘伴海中占地多於荷蘭荷蘭今亦不
奉天主教意大里亞久假澳門順治時乃遂置兩王於此
今天子明聖撫外夷有道不過以澳門爲天文生客館耳且
事久難驟更以西洋之互爲窺伺知此書必不可廢徵君爲
同知張君令子論世知大體因書其大要而歸之嘗與徵君
言澳門南有十字門三重其真爲天主教窟穴乎抑澳門終
癸巳存稿 卷五 五 連筠篔叢書 靈石楊氏栞

府州縣同名

也嘉慶丙寅冬十一月

乾隆五十一年十一月禮部以府州縣同名者六十五處奏

請換印時冠以省名鑄給太平府安徽通州直隸趙州直隸

開州直隸永寧州山西寧州江西忠州四川清河縣直隸

江廣昌縣直隸西建昌縣直隸唐縣直隸龍門縣直隸宣化縣直隸

廣西安平縣直隸新安縣直隸西寧縣直隸東安縣直隸

廣新城縣直隸寧海縣直隸廣寧縣直隸桃源縣直隸

甘泉縣直隸山陽縣直隸華亭縣直隸建德縣直隸鳳臺縣直隸

安徽太和縣安徽雲南懷遠縣安徽陝西定遠縣安徽四川雲南太平縣安徽

浙江山新昌縣浙江江西樂安縣江西山東樂平縣江西山西德化縣江西福建

江西安仁縣江西湖南瀘溪縣湖南江西安福縣江西湖南石城縣江西廣東興安縣江西

廣西東鄉縣江西四川龍泉縣江西貴州永寧縣江西四川長寧縣江西

四川山陰縣浙江山西石門縣浙江湖南昌化縣浙江廣東永定縣福建湖南永

安縣福建廣東永福縣福建廣西長樂縣福建北廣東海豐縣山東廣東清平縣廣東

山東寧鄉縣湖南山西大寧縣山西四川鎮平縣河南廣東咸寧縣湖北陝西興

寧縣湖南廣東會同縣湖南廣西寧遠縣湖南甘肅新寧縣湖南四川安化縣湖南廣東

湖南甘肅貴州安定縣陝西甘肅石泉縣陝西四川三水縣陝西廣東皆隔省者同

一省則江西吉安廣信二府皆有永豐縣稱吉永豐廣永豐

癸巳存稿 卷五 美 連筠 籜叢書 靈石楊氏采

今廣永豐改廣豐直隸通州為屬州江蘇通州為直隸州江

西寧州為義寧州山西樂平縣併入平定州直隸新安縣裁

廣東山韶縣山西司門縣湖南昌平縣廣東永安縣廣東

廣西東融縣廣西永福縣廣西長樂縣北廣東豐稜縣山東常平縣山東

廣西東融縣廣西永福縣廣西長樂縣北廣東豐稜縣山東常平縣山東

廣西東融縣廣西永福縣廣西長樂縣北廣東豐稜縣山東常平縣山東

廣西東融縣廣西永福縣廣西長樂縣北廣東豐稜縣山東常平縣山東

廣西東融縣廣西永福縣廣西長樂縣北廣東豐稜縣山東常平縣山東

廣西東融縣廣西永福縣廣西長樂縣北廣東豐稜縣山東常平縣山東

癸巳存稿卷之五

癸巳存稿卷之六

影俞正燮理初

喀爾喀伊犁

康熙二十六年正月丙申喀爾喀兩翼汗及七旗濟農台吉

等疏請恭上

尊號

聖祖仁皇帝諭之曰諸汗貝勒等謹識朕諭和之旨自茲以

後無相侵擾親睦雍和永享安樂更勝於上朕尊號也是

聖祖真無利其部土地人民之心其後喀爾喀自不和致召

外患爲厄魯特所殘滅

癸巳存稿

卷六

一

連筠篔叢書
靈石楊氏槩

聖祖爲安撫賑卹恢復而覆育之以至於今爲臣僕伊犁厄

魯特自噶爾丹滅後

聖祖復封策妄阿拉布坦而背

恩恃眾累世侵擾至達瓦齊昏弱失部眾心四衛拉解體

高宗純皇帝發兵擒治之復封四汗分治其地是

高宗真無利其土地人民之心其後阿睦爾撒納倡亂四部

應之或叛或逃乃誅綽羅斯特和碩特輝特三部汗其地萬

餘里今爲內地回部亦然土爾扈特汗阿玉奇之姪阿拉布

珠爾自藏來歸時土爾扈特與伊犁爲仇北依俄羅斯

聖祖使圖里琛假道俄羅斯問阿玉奇圖里琛請

訓

聖祖諭之曰阿玉奇若請夾攻伊犁斷不可許爾止言我皇上惟願天下萬國安寧不肯傾陷人國我卽代奏亦斷不許

又

諭曰俄羅斯國刑法嚴峻爾等路過伊國下人伺候不周須代隱藏不可令其官長得知是

聖祖仁覆萬國遠過堯舜至乾隆三十六年土爾扈特汗烏巴錫率所部來歸

高宗納之至今爲牧圍得土地之廣人民之多爲亘古所無皆非以謀力取之此三事

癸巳存稿

卷六

二

通鈞纂叢書
靈石楊氏采

聖人大節所謂仁者無敵臻於厥成武功焜耀要其初並無利得之心也卽

開國亦然

太祖高皇帝初起時必思所以自立兼弱攻昧理勢宜然迨兼九部則明人必不相容此亦理勢必然

太祖屢言明國欺凌太甚其力戰以無可奈何薩爾滸之捷規模始定迨七大恨旣申定鼎瀋陽

太祖

太宗聖意止欲盡撫蒙古與明爲鄰國

太宗聖德淵冲天命十一年十月與袁崇煥書天聰元年正

月四月兩與袁崇煥書五月與錦州巡撫書二年正月與祖大壽書五月與錦州巡撫書議和皆不荅三年十月破紅山口十一月克遵化與巡撫書又不荅於是由薊州三河通州進薄燕京克良鄉固安圍內外城十二月己卯班師留書二一德勝門一安定門議和先是明崇禎帝欲去

滿洲國皇帝號毋自製國寶

太宗意必和好擬去帝號稱汗使明製印明又不從至是議和又不荅四年正月克永平二月己未遺書明帝及大臣議和好遂班師又不荅五年十月與祖大壽書六年六月次宣府議和十月與寧遠書又與明崇禎帝書皆不荅七年六月癸巳存稿

卷六

三

連筠蓀叢書
靈石楊氏采

與明崇禎帝書八年四月作書議和令朝鮮轉達七月次宣府八月戊辰至大同與代王母書丁丑致崇禎帝書議和九年十月與喜峰口潘家口董家口大臣書皆不荅崇德元年七月武英郡王由延慶過清苑至安州克十二城三年正月與宣府書議和不荅八月兩翼伐明九月右翼自牆子嶺入左翼自青山關入四年正月壬寅征松山三月庚辰捷而兩翼兵亦捷左翼由通州分兵一由運河一依山一出涿州東自天津濟南臨清西至山西界克城四十餘右翼從京城至山西復繞山東殺總督二擒親王一郡王一四月師旋七月丁巳又與明帝書議和事又不荅五年九月睿親王松山捷

十月鄭親王錦州捷六年五月六月鄭親王睿親王松山大捷八月丁巳松山大捷十二月睿親王松山捷七年二月肅親王克松山三月克錦州明帝乃諭兵部議和四月塔山杏山捷六月明使至與明帝書初明疑和議如金元不可恃爲後來諉過地君臣相顧莫肯先言不知

太宗實欲爲鄰國長和好並無利天下之心再破高麗築壇降其世子而復立之其明證也且

諭以來往書式明帝二臺朕一臺寫而明君臣無敢主其事者卒至和議不成十月遂以饒餘親王爲奉命大將軍大舉伐明十一月毀界嶺口邊牆自薊州至克州克城八十八八

癸巳存稿

卷六

四

連筠蓀叢書
靈石楊氏采

年六月師旋九月寧遠捷順治元年四月乙丑奉命大將軍睿親王出師壬申吳三桂以明叅來乞師已卯入關五月己丑定燕京睿親王入守武英殿己亥捷音至壬寅宣捷七月癸巳以遷都告祭八月丁巳定留守官乙亥

世祖章皇帝車駕發盛京九月甲辰至燕京十月乙卯朔御皇極門今

太和門

詔以燕京爲京師遂定天下

阿拉善

東華錄云康熙十七年五月厄魯特濟農爲噶爾丹所敗闕

入內地

詔張勇逐出邊

又云二十一年三月巴圖爾額爾克濟農以絕糧窮困來降
謹案厄魯特鄂齊爾圖車臣汗之亾在康熙十五年噶爾
丹於十六年五月甲午來進青海弓刀

聖祖仁皇帝聖訓柔遠人云康熙二十一年十月理藩院奏
厄魯特巴圖爾額爾克濟農陳訴屬下人等所盜馬匹竭力
償補僅及百數餘欠實不能完應仍令追繳照例處分

上曰巴圖爾額爾克濟農自本地敗竄投至近邊未諸法令
盜馬與牲畜亦迫於貧困耳今力不能償補情詞哀懇姑免
癸巳存稿

卷六

五

連筠篔叢書
靈石楊氏栞

此一次嗣後毋違法肆擾自干罪戾
又云康熙二十五年正月戊辰巴圖爾額爾克濟農來朝
上賜宴賚以優禮之乙亥

上諭巴圖爾額爾克濟農曰爾祖顧實汗爾叔鄂齊爾圖車
臣汗每年進貢請安及爾等厄魯特內亂噶爾丹丹攻滅鄂齊
爾圖車臣汗併吞其眾頃者爾爲噶爾丹襲成奔來邊境將
沿疆附近居民牲畜等物偷盜侵奪以爾引罪自首朕卽寬
宥今若徙爾於邊境內外不拘何地居之爾敢不遵特念爾
祖爾叔故俾爾絕者復繼散者復聚使車臣汗孫羅卜藏袞
布阿拉布坦與爾聚處爾等宜相與輯睦善自安業自爾身

及爾子孫當世世念之勿替

皇朝通考輿地考云康熙二十五年上書求給牧地詔於寧夏甘州邊外畫界給之自寧夏之玉泉營至賀蘭山陰自甘州之鎮番塞口至額濟納河俱以離邊六十里爲界三十六年奏願以所部編置佐領爲旗一

兵考蕃部各旗云賀蘭山厄魯特部一旗住河套西在寧夏涼州甘州邊外於康熙三十六年設

輿地考云賀蘭山厄魯特部駐賀蘭山之博羅沖科克地方康熙三十六年封巴圖魯額爾克濟農爲多羅貝勒

謹按賀蘭地方無博羅沖科克地方詳雍正三年

癸巳存稿

卷六

六

連筠蓀叢書
靈石楊氏棗

封建考云康熙三十七年巴圖魯額爾克濟農和羅哩子玉木楚木以軍功封輔國公

又云四十八年巴圖魯厄爾克濟農和羅哩子阿寶襲貝勒又云六十年玉木楚木長子沙丕多爾濟襲輔國公

謹按考有五十二年二月玉木楚木子襲輔國公未詳

又云雍正元年沙丕多爾濟以軍功晉封固山貝子是年其部古木布以軍功封輔國公

又云雍正元年十二月阿寶以軍功晉多羅郡王

謹按阿寶沙丕多爾濟古木布皆青海軍功

征權考云雍正三年裁博羅沖科克地方鹽務官怡親王允

祥等議覆原任大將軍年羹堯奏稱臣在西寧時因邊外博羅沖科克舊有鹽池青海蒙古人等運來邊內貿易西寧軍民賴食此鹽臣奏設副將一員兵一千六百名駐防彼處將西寧通判移駐管理在案現今郡王額駙阿寶移在博羅沖科克地方駐劄無庸復駐官兵其管理鹽務通判亦應裁去應如所請從之

謹按此阿拉善王南徙之事諸書或云阿蘭善或云阿拉山或云賀蘭山或云厄魯特或止言爵封茲以其世系事蹟考合之阿拉善稱賀蘭山厄魯特者以康熙二十五年始居之地言之雍正元年平青海青海故阿寶曾祖顧實

癸巳存稿

卷六

七

連筠蓀叢書
靈石楊氏栗

汗所居地使阿寶移居之今青海有和碩特二十旗皆顧實汗後又土爾扈特四旗綽羅斯特二旗輝特一旗喀爾喀一旗餘皆番族西南及康衛南通四川雲南矣博羅沖科克在大通河南其河源出察罕鄂伯圖下流爲西寧之北川河與賀蘭山渺不相涉賀蘭山者蒙古語以忽蘭爲紅甘肅通志云在寧夏西六十里陰阻北番陽屏西夏延亘五百餘里山上樹木青白望如駭馬北人呼駭爲賀蘭故以爲名其山從首至尾似月形此康熙二十五年阿拉善地也今鄂爾多斯右翼西北俗謂之阿拉善按地圖在寧夏長城外賀蘭山之西亦不刺山之東吉蘭泰鹽池之

南輿地考以其嘗遷博羅沖科克不詳命名之義及博羅
沖科克所在乃云賀蘭山厄魯特居賀蘭山之博羅沖科
克非矣

封建考云雍正七年阿寶坐事降貝勒

又云九年十二月以敗噶爾丹策楞復阿寶多羅郡王

又云十年正月古木布以軍功晉固山貝子

又云乾隆二年古木布子拉爾濟旺楚克襲貝子是年沙不

多爾濟卒其從弟袞楚克降襲鎮國公

又云四年阿寶子羅卜藏多爾濟襲貝勒

又云六年拉爾濟旺楚克卒其姪索納木多爾濟降襲鎮國

癸巳存稿

卷六

八

連筠篔叢書
靈石楊氏栞

公

又云二十二年羅卜藏多爾濟以平準部從軍晉多羅郡王

高宗純皇帝御製文初集紫光閣五十功臣像贊參贊大臣

扎薩克多羅郡王羅卜藏多爾濟贊涓陽所出扎薩穎材命

帥本部宣力龍堆及愛隆阿單騎見虜降哈薩克厥功甚鉅

封建考云三十年羅卜藏多爾濟以軍功晉親王

謹按是年平烏什亂

又云是年索納木多爾濟子烏爾圖那遜襲鎮國公

又云三十二年袞楚克子多爾濟色卜騰襲鎮國公

晉政輯要山西幕
容所集云乾隆四十四年羅卜藏多爾濟與山西

巡撫農起會奏鹽事農起奏片言蒙古現在積存鹽斤以有餘補不足兩有裨益

諭以此係周旋羅卜藏多爾濟起見令再議

高宗純皇帝御製詩四集辛丑注撒拉爾回匪滋事調阿拉

善兵經勒爾謹咨撤茲阿桂和珅復調阿拉善兵七百名兼

程赴蘭協同剿捕

御製文三集喇嘛說注達克巴呼圖克圖卽阿拉善親王羅

卜藏多爾濟之子

封建考云四十九年羅卜藏多爾濟之子旺親班穆巴爾襲

親王

癸巳存稿

卷六

九

連筠篔叢書
靈石楊氏聚

高宗純皇帝御製詩四集甲辰注戶峯堡回匪滋事調阿拉

山等處官兵阿拉山公多爾濟色卜騰帶兵在大兵後策應

圍柵時在卡隘外

御製遲速論並調阿拉善蒙古兵千注福康安至隆德軍營

卽與海蘭察率先至之寧夏阿拉山兵進剿底店奮勇殺賊

數百名生擒三十餘名賊勢膽落

理藩院文云阿拉善王駐牧之處在賀蘭之西由赤木口出

口至其牧處六十里地名定遠城雍正間遷阿拉善王於博

羅沖可克時曾於其處設定遠營置守備一員後阿拉善王

復還舊游牧時卽以定遠城賜之亦名定遠營

大清會典理藩院典屬清吏司云賀蘭山厄魯特東至陝西寧夏西至甘州南至涼州各府邊境北至瀚海袤延七百里至京五千里

晉政輯要云五十一年山西巡撫伊桑阿會同厄魯特親王奏准民人販蒙古鹽者陸運水運俱從其便水運以臨縣爲界

大清會典戶部奏准鹽法事例云乾隆五十六年奏准阿拉山地方每年准造鹽船五百隻每船鹽四十石共計二萬八千斤石七運至山西例食口鹽各地方販賣

謹按嘉慶八年九月議亦同直隸山西甘肅四川各有官癸巳存稿

卷六

十

連筠蓀叢書靈石楊氏栗

鹽土鹽口鹽番鹽定地山西口外又有鄂爾多斯旗烏喇特旗其駐牧河套內外皆出鹽與賀蘭山近前時曾以河東官鹽不暢行禁口鹽不許偷入又或用以接濟土鹽則大官鹽之地爲之禁五十六年裁河東官商改課歸地丁則口鹽所行較廣然亦止課歸地丁之州縣及向食土鹽口鹽地也其阿拉山鹽行山西者年額二萬石石收銀四錢共銀八千兩

京報嘉慶五年三月陝甘帶兵總管長齡奏稱遵

旨傳諭阿拉善王旺親班穆巴爾率領原兵仍回游牧

謹按時剿教匪

典圖書史傳云賀蘭山賊營於東至西

京報九年十月

諭新襲阿拉善親王瑪哈巴拉著加恩承襲扎薩克親王卽辦理扎薩克事或於次年班或於木蘭召見再賞差使

京報十年五月

諭阿拉善鹽應減運四百萬斤

謹按阿拉善鹽額運千四百萬斤船料於甘肅采回時減木料三千根故亦減鹽斤

京報十一年五月阿拉善王瑪哈巴拉以其地吉蘭泰鹽池

歸充公用

謹按是年議復河東官商

癸巳存稿

卷六

十一

連筠蓀叢書
靈石楊氏棗

京報十二月阿拉善王瑪哈巴拉以磴口舊置住房充公作

爲吉蘭泰鹽務磴口運判衙署

磴口甘肅地

京報十三年三月議吉蘭泰事

諭加恩卽照從前八千兩之數按歲賞給以示獎勵

京報十五年九月甘督奏吉蘭泰鹽池歸官屬寧夏道兼管

其坐商由甘肅招充運商由山西招充所有

恩賞阿拉善王銀八千兩亦由鹽政另領

蒙古

聖祖仁皇帝聖訓康熙五十三年六月丙子

上諭大臣曰朕幸寧夏過鄂爾多斯地方謂松阿拉布王曰

爾等祖宗不過欺侮漢人遂據河套耳若朕則自橫城坐船帶糧從鄂爾多斯之後抄出據守爾等將若之何松拉布王瞿然奏云今內外一家皇上奈何出此可畏之言又一日者上謂漢大臣曰明代以爭河套事曾殺大臣此一小事何致殺戮大臣若當此時朕止須遣一筆帖式一撥什庫事卽定矣五十六年十一月丙子

諭曰本朝不設邊防以蒙古部落爲之屏藩耳

俄羅斯長編稿跋

書生常談云物莫不聚於所好斯言不誣也嘉慶十年十月讀京報庫倫辦事大臣蘊端多爾濟奏俄羅斯國遣使來學癸巳存稿

卷六

三

連筠篔叢書
靈石楊氏栞

侶徵說故事知俄羅斯有撒納特衙門檢乾隆二十二年九月二十七日京報錄出之漸積蒐輯竟得書一百八十七條草野討論亦云富矣問之館中寫書者

國朝宮史續編書籍二十六圖繪二有俄羅斯地方分界圖一幅紙本縱三尺五寸橫五尺六寸俄羅斯圖一幅紙本縱二尺五寸橫三尺七寸

內廷秘笈世無副本異域錄前雖有輿圖而大略不詳水道提綱則界之又難海國見聞錄僅依荷蘭英吉利一隅亦非其真也謹按

皇朝文獻通考輿地考就所不載者求之乾隆庚辰輿地圖

測北極高下東西俄羅斯地南面近我下倫者亦略可見也
其四裔考俄羅斯傳乾隆年間事或失其年月以前爲後順
治時遺漏太甚

聖祖平定羅刹方略四卷起康熙二十一年盡康熙二十八
年中有議屯田議水師議置黑龍江將軍問之寫書者云見
在

國史館而四庫書未編寫康熙雍正時修會典禮部理藩院
光祿寺皆載俄羅斯事乾隆時會典則例刪之今禮部所刻
則例不見俄羅斯戶部則例有恰克圖貿易及在京文館

東華

門外北池街西月費人制錢三千文談俄羅斯者若西域見聞錄之

癸巳存稿

卷六

三

連筠蓀叢書
靈石楊氏萊

流不詳不實無足深怪俄羅斯之始起說者不同今以其國
自言者爲定順治十四年其國表文自署俄羅斯一千一百
六十五年推之當南北朝癸酉歲爲齊永明十一年魏太和
十七年始有俄羅斯名其先蓋名羅刹西域見聞錄亦言一
姓相傳不知其幾千年則回部傳聞亦合明時西夷艾儒略
職方外紀圖中國漠北有烏落侯四裔考俄羅斯傳因之且
言侯乃侯之形誤斯則侯之聲轉檢魏書太平眞君四年烏
洛侯入貢在太和癸酉前五十一年時俄羅斯尙未起順治
十二年

世祖賜之勅康熙十五年察罕汗奏書均言其國從無使命

達中華則不得有魏時入貢亦不得如張玉書文貞集言順
治二十三年貢使至也且魏時烏洛侯必非侯誤舊唐書
唐會要烏羅渾國並云蓋後魏烏洛侯今亦謂之烏羅護是
侯渾護同一對音字不應就中國字形嬗爲侯復轉其音爲
斯以就西夷向壁之論今其徒地球圖說則又居然有俄羅
斯矣俄羅斯當魏時地小故名不及遠異域錄云康熙五十
三年十月二十四日俄羅斯之噶噶林謂圖里琛曰曩時我
國並未稱汗自依番瓦什里魚赤始稱汗至今二十三傳三
百五十餘載第十三代汗征取喀山托波爾阿思塔爾汗諸
地今已百六十年矣又言其汗與西費耶斯科付蘭楚思諸
癸巳存稿

卷六

十四

連筠篸叢書
靈石楊氏棗

國爭取控噶爾汗地是其國元亂後乃漸大故元史地里志
後西北地附錄得載阿羅思名元史蒙古太宗九年諸王莽
賚叩擊欽察因服幹羅思卽阿羅思也在欽察西北涉海時
以遠地小部未能參考又言太祖長子朮赤今對音卓沁者
分封西北自京師驛騎行二百餘日方至其地蓋有今時俄
羅思地非卽當時阿羅思國也方式濟龍沙紀略云阿羅思
卽古大食爲元太祖之弟所滅卽以封之號察罕汗翼之鎗
後出塞錄云阿羅斯爲元世祖長子之裔皆非事實龍沙紀
略又云康熙丙申彼國來互市文稱察罕汗一千七百一十
六年與王士正池北偶談張玉書文貞集全祖望鮚崎亭文

集言順治十七年伊國表稱一千一百六十三年者俱異又其年數亦不當元初其稱汗以康熙五十三年上推三百五十餘載正當元末是元末俄羅斯滅卓沁非元初卓沁滅俄羅斯也其第一汗亦非察罕汗其稱年上積太古如康熙十二年土魯番稱千八十三年康熙十八年意大里亞國王阿豐肅稱天主降生千六百七十四年明史瓜哇傳明鄧士龍國朝典故星槎勝覽亦記宣德七年瓜哇國文稱一千三百七十六年各有所沿難以中華例言也其都記由莫斯科達斯科三皮提里普爾蓋直史記奄蔡東北四裔考言魏爲烏洛侯唐爲骨利鞞黠戛斯元爲吉利吉斯昂可新特言所兼

癸巳存稿

卷六

五

連筠篔簹書
靈石楊氏葉

併地非言其本國其先所居當在今右哈薩克部之西今右哈薩克古大宛地部內有塔失干則魏石國地北史西域傳言石國居於藥殺之水唐書亦言石有藥殺水在大宛北部又言有怛羅斯城自此抵西海矣大唐西域志亦言有阿素洛阻羅私赭時國老學叢談亦言塔刺思城莽賚叩之師亦言斡羅思極西也其後始至東北王世貞弇州史料言王同祖任司業以元裔歲大入殺掠上書請捐數百萬金以閒遞北荒外之部落與中國夾攻而不得其主名蓋俄羅斯時方漸盛及其後又拓東南南侵黑龍江兼併布拉特兀良哈而自康熙二十六年以來服我

列聖威德不南侵一步亦可謂審於天時地利者矣是以君子樂道之也其地東至海西至海北亦至海沿海小部皆其屬國雍正初年又嘗攻西藏西南五千里之務魯木卽控噶爾之王庭而務魯木之喇嘛咒毒蟒以禦之則其地西南接五印度佛書言此閩浮提內有三大國以崑崙爲中崑崙東及東南東北者中國爲一大國崑崙南及西南者天竺爲一大國崑崙北及西北者洪豁爾爲一大國洪豁爾公其地入俄羅斯而揆敘隙光亭雜識言烘克爾國卽都兒克俄羅斯嘗入貢管幹珍職方志言控噶爾回城千四百餘在俄羅斯西北馮一鵬塞外雜誌言纏頭回子之富強而以準噶爾當

癸巳存稿

卷六

十六

連筠蓀叢書
靈石楊氏栞

過俄羅斯及纏頭回子云云七十一西域見聞錄以俄羅斯西南圖里雅斯科之控噶爾汗當洪豁爾全部且云在俄羅斯北其地十倍俄羅斯亦失實矣唐會要四夷附錄云鴻臚卿王忠嗣案西域圖羅刹支國其北陀拔思單東都盤西沙蘭南大食羅刹支是其人之稱蓋依於戶隋書羅刹在婆利東屬南蠻其人朱髮黑身獸牙鷹爪太平廣記引國史纂異云林邑貢火珠得於羅刹國其人朱髮黑身獸牙鷹爪蓋紅毛之黑鬼能沒水唐人亦謂之崑崙其他海陬惡物以羅刹惡佛佛亦惡之故凡人物惡者皆謂之羅刹嘉慶十年十一月粵海關監督奏路臣商人至路臣卽羅刹對音羅刹者如

中國自言華人耳實則羅刹乃其部人自稱之名閻若璩潛邱劄記謂俄羅斯必非羅刹譏京師貴人爲不考是讀書而不明理也晉書鳩摩羅什傳云羅刹者外國誕誕道人也則指羅刹之天主教言之而楞嚴經卷九云四種阿修羅一鬼趣一人趣一天趣一畜生趣翻譯名義集選云夜又或名藥又舊名閻又云勇健亦云暴惡或云貴人鳩摩羅什曰有三種一在地二在虛空三在天羅刹此云疾速鬼又云可畏或云羅又此云護士若女則名羅刹斯此皆僧徒狂談非其本義俄羅斯皆羅刹其國有出使喇嘛又有住京喇嘛異域錄康熙五十二年七月四日使臣謂托波爾噶噶林曰爾商癸巳存稿

卷六

七

連筠蓀叢書
靈石楊氏粟

人乞准送能通經典之人中國大臣代奏

皇上恩准所有行教番僧外科良醫我等自土爾呼忒回可
以攜去噶噶林云番僧見在預備醫士已往莫斯科窪調取
學校考云雍正五年俄羅斯國遣其官生魯喀佛多德宜宛
喀喇希木四人來學卽舊會同館設學四裔考云雍正五年
修京城俄羅斯館來京讀書幼童及教習等官給養贍願回
者聽國子監則例乾隆三十六年六年六十云雍正六年俄羅斯
遣子弟入學此俄羅斯人會典國子監鄂羅斯學助教二人
掌分教鄂羅斯子弟又內閣俄羅斯學則八旗
學生二十四人學俄其替換由俄羅斯揀選喇嘛及習滿漢
羅斯語爲番譯者
話學生送庫倫辦事大臣代奏本四裔考乾隆四十六年奏書其學蒙古接

骨大夫者僅康熙年一至良醫取之舊都而番僧由托波爾預備蓋以西畢爾寄居蒙古爲之

泰陵聖德神功碑言厚俄羅斯國人之賞賚聲教漸被遐荒指此事也不信佛而能兼用佛異域錄云其國用天主教歸附之人聽各從其教蔣友仁地球圖說謂其國流傳天主教典及聖賢傳記然亦非天主正教蓋以其使人學喇嘛也嗔妒忿狠豈不悖哉羅利卽古之羌盛京通志物產蔬部阿羅素菘注云俗呼老鎗菜禽部千里紅注云喜食蘇子俗呼蘇雀黑龍江稱爲老鎗雀出俄羅斯地其以俄羅斯爲老鎗卽老羌對音方拱乾絕域紀略云邏車擅烏鎗譌爲老羌蓋不癸巳存稿

卷六

六

連筠篔叢書
靈石楊氏萊

知對音之義其云蘇雀卽阿羅素雀急呼秦漢羌在西方其瀚海以北不能知也吳兆騫秋筵集巴大將軍東征邏察詩注云邏察一名老羌烏孫種也後集云康熙甲辰春幕府以老羌之警治師東伐流人強壯者供役軍中文弱者歲以六金代役是雅克薩羅利自稱爲羌又自述起烏孫今或云漢之丁零丁零亦羌也其人近西海者紅黃髮亦謂之紅毛見海國聞見錄其地直興安嶺之北楚庫柏興之色楞格河東岸烏的柏興之西北及柏海爾湖與鄂遼汗洲皆有蒙古人居之至厄爾庫城始少蒙古人迹聶謝柏興西北有鄂斯提雅蘇克別一種類又有布刺特索倫人又有康熙五十年閒

西洋被擄將軍雅納爾又託波爾城西額爾濟斯河上有庫
程汗所遣人俄爾斯號之曰塔塔拉元太祖初起時卽旁收
塔塔拉部今其人亦歸俄羅斯有入天主教者其不入教者
自供佛像其圖又有西費雅斯人索里喀木斯科西北四
百餘里之改郭羅多有別爾馬羈人與俄羅斯言語不通蓋
如中國腹裏之有苗種索羅博達地有西費雅斯科人五千
餘戶皆西畢爾斯科所屬其西則喀山喀山斯科城外有車
爾米斯人皆削髮言語殊異又西南八百里額濟爾河

亦作

納爲土爾扈特游牧土爾扈特亦有居近喀山者其喀山東

南馬行七日約千二百里至塔爾斯科又東南行十四日約

癸巳存稿

卷六

十九

連筠篔叢書
靈石楊氏棊

二千五百里爲託木斯科爲衛拉特哈薩克拉哈爾巴接壤
處有塔塔拉回人巴拉巴忒人雜處見異域錄其地直中國
西北有黑睛人見西北域錄是與唐時夏黠斯相類古堅昆
地也亦俄羅斯所併額爾濟納河北有土爾扈特五十萬戶
烏巴錫所遺者見西域見聞錄今雅爾地斜接俄羅斯託木
則額爾濟納河至伊犁所展卡倫不過五千里我使臣所經
索里喀木斯科爲其國莫斯科窪斯科舊都運鹽之處自改
郭羅多至莫斯科窪不過二千二百餘里我使臣於康熙五
十一年五月二十日出都五十四年三月二十七日回京赴
暢春園具疏稱經其國南境兩斯科行百七十餘日乾隆二

二十一年九月土爾扈特假道俄羅斯來

高宗御製宴土爾扈特使臣詩注云戊年自彼部起程今始至則來程已二年餘或由其都城畢使事而後來也乾隆二十二年九月二十七日我致撒納特衙門索阿睦爾撒納二十三年正月十九日已得信回自我都城至彼都城往返僅百餘日蓋急遽也阿額幹鄂俄羅斯邏洛路勒斯蘇索素羅利邏車路臣皆對音字茶餘客語云俄羅斯今皆稱額勒素余謂此對音字之難也今有常言使山東人以對音別字書之山西人卽不能解三傳人名地名多不同字蓋其驗矣丙

寅八月

癸巳存稿

卷六

三

連筠蓀叢書
靈石楊氏栗

羅利

羅利者紅毛諸番其正名羅利國者今之俄羅斯其國東北自黑龍江邊外北盡北海西盡西海南包額納特珂克外羅利種人素與佛不合同自立天主教其部強盛當佛時羅利王名阿修羅欺陵佛並欺陵佛國佛國深畏之遇惡人惡物則皆以羅利名之故有在山羅利有在海羅利有飛天羅利皆假名羅利而於真羅利無與也羅利至今俄羅斯而極大潛止劄記言俄羅斯定非羅利謂長安貴人爲不考闔蓋略見佛書不能詳悉且俄羅斯自羅爲利何得謂之定非也

西域見聞錄詳於回疆至天山北路非見聞所及卽多舛誤外藩列傳紀哈薩克布魯特俄羅斯尤不合事實其言土爾扈特背俄羅斯來歸徒以哈拉沙爾有土爾扈特游牧而雜輯所聞記之西人多謗土爾扈特者所聞眞僞相半耳前見乾隆三十六年京報舒文襄等奏六月三日土爾扈特車伯克多爾濟入卡倫見將軍言土爾扈特各愛滿較俄羅斯所習經典俱異早有來歸

聖主之意今者烏布沙波意南來由伊啟之越數日烏布沙至以道遠又值春暖馬匹損傷至哈薩克時阿布賚領兵相持前路又與阿拉里努拉立打仗部眾散失今自奎屯聚眾癸巳存稿

卷六

三

連筠篔叢書
靈石楊氏栗

前來其道路所歷與見聞錄所敘略同來歸之由實由舍楞唆搶伊犁既至而知其不可逞也舍歸順更無他法其人尙眾又當計無復之舍撫之亦更無他法且其始事不爲眾曉徒以烏巴錫

卽烏布沙

棄俄羅斯而來其部眾不思勤儉立業偷

盜竇姦爲他部所不齒歸罪烏巴錫則其事不明四衛拉特者綽羅斯特和碩特土爾扈特都爾伯特而綽羅斯最强土爾扈特本游牧額什爾努拉其汗和鄂爾勒克與綽羅斯特汗巴圖魯渾台吉不合遂攜子書庫爾岱青以眾歸俄羅斯而游牧於額濟勒河南馬努脫哈書庫爾岱青有子曰棚楚克渾台吉塔也生阿玉奇渾台吉留養之書庫爾岱青入藏

拜佛還經伊犁攜之歸阿玉奇妹多爾濟拉布坦嫁和碩特
車臣汗而生女曰察罕撒摩以妻阿玉奇子沙克都爾札布
車臣汗長女嫁渾台吉子噶爾丹噶爾丹殺車臣汗占其部
車臣汗孫曰羅卜藏袞布阿拉布坦來歸

聖祖賜以河套游牧察罕撒摩親姪也車臣汗姪巴圖魯額
魯克濟農復敗於噶爾丹亦來歸察罕撒摩兄也車臣汗以
多爾濟拉布坦歸依其兄噶爾丹死策妄阿拉布坦據伊犁
阿玉奇嫂攜其子沙拉布珠爾率眾入藏禮佛策妄阿拉布
坦闌之不得歸康熙四十三年亦來歸

聖祖封以貝子編一旗居青海謂之額濟納土爾扈特沙拉
癸巳存稿

卷六

三

連筠篔叢書
靈石楊氏聚

布珠爾之行阿玉奇並遣使入貢

聖祖優賜之使歸經策妄阿拉布坦地爲所羈阿玉奇夫婦
兄妹子婦及部眾皆戴

聖祖厚恩以南道不通假道俄羅斯由喀爾喀入貢

聖祖鑒其誠使圖里琛往報之阿玉奇大喜其妃達里睦巴
拉子沙克都爾札布各置晏勞請使者使者之歸也阿玉奇
問中國事甚詳又問滿洲蒙古之所以分又言我與滿洲衣
冠皆同今居俄羅斯與俄羅斯教不同此情若蒙使者轉奏
大皇帝自有籌畫又曰屢經俄羅斯中恐其厭而阻我此後
無由自達矣又曰南路不通藏中藥物不可得所仗者

天朝耳多爾濟拉布坦及察罕撒摩以車臣汗故旻使者並多饒遺感念

天恩求使者代奏是阿玉奇全家歸心中國但中國無誘降俄羅斯所屬人之理故久置之阿玉奇卒子沙克都爾札布嗣沙克都爾札布卒子敦魯布拉什嗣於乾隆十九年假道俄羅斯入貢二十一年始至至是其子烏巴錫來歸封卓里克圖汗其以不與俄羅斯同教爲辭合於阿玉奇言是有默啟之者獨恨烏巴錫不能知其先人感戴中國之忱其始念差耳然非以搶伊犁之故其部眾必憚於遠徙俄羅斯亦不甘於置之不問我

癸巳存稿

卷六

三

連筠篔叢書
靈石楊氏棨

高宗覆載同量然以俄羅斯界碑舊約亦不能直受之而無疑也是知其中有天焉

聖人不探人之至隱而予其事之順也此天之所以爲大也車伯克爾濟者阿玉奇汗次子袞札布之後今封親王當圖里琛之歸也阿玉奇幼子策楞敦多布進

大皇帝鳥鎗一杆使者問欲有奏言否笑言無有我爲

大皇帝禮佛祝

聖壽萬萬歲耳見圖公異域錄其人尤可念惜其後未有聞也烏巴錫子策楞那木札爾以乾隆三十九年嗣汗位方今中外一家均無岐視而土爾扈特獨蒙惡聲故詳檢官私著

述爲訂證之

荷蘭

荷蘭今多併入英吉利本西洋國康熙會典雍正會典禮部主客司朝貢並云荷蘭在東南海中蓋就舊貢道言之自明嘉靖二十九年以後荷蘭思據廣東香山澳不可得則據福建澎湖又與佛朗西分據美洛居及浮泥地至崇禎時遂據今臺灣時荷蘭從日本得之今臺灣安平鎮故荷蘭赤嵌城也其地在東南海中我

朝順治十八年鄭成功自廈門金門犯江寧被剿復入海日

本人竣成功取臺灣地舟師入鹿耳門荷蘭敗去旣而聲言

癸巳存稿

卷六

三

連筠移叢書
靈石楊氏栞

助中國滅賊以兵來雍正會典云康熙二年荷蘭國出海王

統領兵船至閩安鎮助剿海逆三年出海王克取廈門金門

頒

敕諭二道遣禮部官員筆帖式齋賞賚銀緞前往同該督給

付荷蘭國人帶歸亦以荷蘭與鄭氏深仇故因用之

聖祖仁皇帝聖訓云康熙十八年二月甲戌

特諭荷蘭國王令具夾板船二十艘載勁兵攻取二島時鄭

成功子鄭錦自漳泉敗遁入於海而廈門金門猶爲所據

上厚集舟師規二島以取澎湖及臺灣以曩者曾用荷蘭夾

板船得捷

謂三年之役

故復

諭荷蘭助剿乙亥

諭大將軍和碩康親王檄荷蘭迅具舟師務令如期而至三月庚戌

上以荷蘭舟師爲鄭錦所阻音問不通宜卽進剿不必俟彼師至至二十二年臺地底定二十三年設臺灣府蓋卽明周嬰東番記所言之臺員而荷蘭偏師據之旣爲鄭氏所奪其人南去據美洛居及淳泥又以鴉片煙誘噶刺巴使食之而占據其地役其人其地亦在東南海中所謂出海王者其國分出之眾與意大里亞持世王之居廣東香山澳者同

平定羅刹方略云康熙二十五年八月荷蘭入貢使臣言其癸巳存稿

卷六

三

連筠篔叢書
靈石楊氏聚

國與俄羅斯接壤

聖祖諭爲書付荷蘭使臣轉達俄羅斯察罕汗是荷蘭本在西北而遠戍東南其意殊不可測貢道初由福建閩海關乾隆五十九年改由廣東粵海關

注輦方向程途書讀史方輿紀要後

宋朝事實云注輦水行至廣州四十一萬一千四百里大中祥符八年天禧四年明道二年熙寧十年俱入貢龐元英文昌雜錄云主客所掌諸番南方注輦在廣州之南水行約四十萬里方至廣州公是先生詩集注云注輦鸚鵡其國在海西去中州四十一萬里舟行半道過西王母三年乃達番禺

趙汝适諸番志及宋史外國五並云注輦東距海五里西至天竺千五百里水行至廣州約四十一萬一千四百里使者離本國舟行七十七晝夜至占賓國又行六十一晝夜至占羅國又行七十一晝夜至三佛齊又行十八晝夜歷天竺山至賓頭郎山又二十晝夜至廣州之琵琶洲其言如此行程約二百五十晝夜何以知爲四十一萬一千四百里又云西至天竺千五百里與劉敞言舟行半道過西王母者皆不可曉似明時西洋人語也葉夢得斥林燕語趙彥衛雲麓漫鈔並云在廣州南水行約四千里至廣州其里數懸絕疑傳寫誤也沈括筆談謂之珠輦國元史謂之俱藍國云俱蘭與馬癸巳存稿

卷六

三

連筠移叢書
靈石楊氏棗

八兒足以綱領諸國俱蘭又爲馬八兒後障招討使楊廷璧三往招之自泉州至其國十萬里世祖至元十九年九月入貢元史似無夸語其地當是明時大西洋曰瑞曰璉者荷蘭并之今其地入英吉利矣顧氏於西洋諸番說法輦未能詳故附識之嘉慶甲戌三月朔書於拜斗殿寓舍是日新得公是先生集也

管子輕重乙篇地數篇呂氏春秋有始覽淮南子地形訓藝文類聚及開元占經引河圖括地象太平御覽引尸子廣雅釋地禹所治地並云地之東西二萬八千里南北二萬六千

里文選注引河圖書禮正義引考靈曜地之四遊升降應廣
厚三萬里有始覽地形訓注並云子午爲經東西爲緯四海
之內緯長經短經緯本織言之人南北坐立經自屬南北緯
自屬東西大戴易本命亦云凡地東西爲緯南北爲經戴東
原云此古今通義西洋人故反之以變亂名物爲艱深也其
四極則有始覽云東西南北皆五億又九萬七千里地形訓
云東西南北皆二億三萬三千五百里七十五步山海經則
云東極至西極五億十選九千八百步不言南北其意不得
而知注引詩舍神霧云天地東西二億三萬三千里南北二
億三萬一千五百里開元占經引同占經又引河圖括地象
癸巳存稿

卷六

三

連筠蓀叢書
靈石楊氏棗

云東西二億三萬三千里南北二億三萬一千五百里張衡
靈憲云八極之維徑二億三萬二千三百里南北則短千里
東西則長千里廣雅引神農所治地東西九十萬里南北八
十一萬里春秋命厯序文也四極或云皆同或云緯長經短
求蓋天之義南北橢長文子云天圓不中規地方不中矩言
天橢長也天問云東西南北其修孰多南北順橢其衍幾何
而地東西衍不相應蓋緯文不一自伏羲至周不稔何條屬
何代測法君子多識前言久之必有合者

天九重

天以十二重布算其法精密然以說經則經文當改抹矣言

九重者則在中古楚詞天問云圓則九重淮南天文訓云天有九重後測一爲月天二辰星三太白四日五熒惑六歲星

七鎮星八恒星九左旋天按中庸云日月星辰繫焉靈臺秘

苑二十卷云舊言日月附著於天其後推測始知日月與天

相遠而未嘗附著此取通之論也緯不言日月星辰繫天而

所謂九重亦與後人異說馮相氏疏太平御覽並引考靈曜

云日道出於列宿之外萬有餘里五星則差在其內巫咸星

經云凡星入月中星不見爲月食星星見爲星食月開元占

經引姜岌渾天荅難云日在上月次之星居其下又引梁祖

暉云星宿有時食月在魄中分明質見知古人測候未全非

癸已存稿 卷六 天 連筠篔叢書

故爲其疎也 靈石楊氏萊

天門

乾位在西北以天門所在蓋天之說也渾天則不然故說經

宜通蓋天素問五常政大論云天不足西北左寒而右涼地

不足東南右熱而左溫列子湯問篇淮南天文訓俱云天傾

西北日月星辰移焉乾度鑿云日者提不者殆易物之慎命

不在注云雖有圖錄第且勿順天命在今春秋元命包曰精

出於天提日而西北之也藝文類聚引元命包云天不足西

北陽極於九故周天九九八十一萬里文選雪賦注引詩含

神霧云天不足西北無有陰陽故有龍銜火精以照天門中

也周禮大司徒疏引河圖括地象云天不足西北地不足東
南西北爲天門東南爲地戶天門無上地戶無下太平御覽
引元命包云地不足東南右動入於靈門注云右動動而東
也靈門已也藏陰於已也此渾天所不說不知蓋天則經子
皆可疑矣

燭龍

乾坤鑿度云萬形經曰太陽順四方之氣古聖曰燭龍行東
時肅清行西時暄喚行南時大暉行北時嚴殺此言日之四
遊也故又曰四方萬物向明承惠煦燭龍卽日之名緯說云
燭龍日也亦蓋天之義蓋天又別有燭龍文選注引詩含神
癸巳存稿

卷六

完

連筠蓀叢書
靈石楊氏采

霧云天不足西北無有陰陽故有龍銜火精以照天門中也
楚詞天問云日安不到燭龍何照山海經云鍾山之神名曰
燭龍祝爲晝暝爲夜淮南子地形訓云燭龍在雁門北蔽於
委羽之山不見日其神人面龍身而無足梁四公記

太平廣
記八十

一云隴杰曰北至黑谷之北有山極峻造天四時冰雪意燭

龍所居晝無日北向更明夜直上觀北極開元占經天體渾
宗載梁武帝說云日繞鐵圍山當卽委羽黑谷梁武明蓋難
渾史有明文而占經引其說入渾宗亦可怪矣經緯子及佛
書皆蓋說後人治渾乃好引之非是亂古直自亂其算二千
年來術士不悟也

歲星

保章氏注云歲星爲陽右行於天太歲爲陰左行於地十二歲而小周其妖祥之占甘氏歲星經其遺象也甘氏歲星經史記天官書漢書天文志皆引之鄭亦及見至唐開元其書尚全漢書律厯志已言歲星所行依左傳卽不能合鄭言小周服說龍跳天門以後世所推者說古古人實不能知也甘氏所推已有遲伏若緯止言歲行一次與經傳合古法疎故謂之歲後法密當曰木星不當曰歲星矣今推木星日行今度三百六十萬萬分度之二十九萬九千二百八十五萬二千九百六十八歲周三百六十五日又千萬分日之二百四癸巳存稿

卷六

三

連筠穆叢書
靈石楊氏采

十二萬一千八百七十五應過今天三百六十度之三十度又三百六十萬萬分度之一百三十一萬一千五百七十萬三千七百四十五強

攝提

大戴禮用兵云桀紂嬴暴厯失制攝提失方盧辯云攝提左右六星與斗應相直恒指中氣尙書中候曰攝提移居是也史記厯書云孟陬殄滅攝提無紀漢書五行志劉向云三代之亾攝提易方皆言厯失不能以閏定四時致斗與月氣不相應開元占經五星相犯引春秋緯云攝提反衡亦失閏也史記天官書云攝提者直斗杓所指故攝提格厯書攝提無

紀集解云星名隨斗杓所指建十二月漢書翟方進傳綏和二年李尋曰提揚眉矢貫中以元年正月枉矢從東南入北斗則攝提止以星名屬斗此一義也開元占經歲星名主引石氏星經云歲星他名曰攝提淮南子脩務訓云攝提鎮星日月東行則攝提爲歲星一名又一義也史記天官書開元占經歲星行度並引甘氏星經云攝提格之歲攝提在寅歲星牽牛婺女則攝提爲太歲與歲星爲二韓非子飾邪篇亦分攝提歲星爲二而石氏有攝提六星占又言歲星一名凡此三義並行又爾雅云太歲在寅曰攝提格高誘王逸卽摘攝提爲寅又生一義又太一之攝提以紀歲凡五義

癸巳存稿

卷六

三

連筠蓀叢書
靈石楊氏棗

攝提格

卷六

三

連筠蓀叢書

寅曰攝提格者史記天官書云攝提者直斗柄所指以建時節故曰攝提格則格以斗柄起義五行大義引三禮義宗云寅者引也肆建之義也辨正論氣爲道本篇引乾鑿度云昔燧人氏仰觀斗極以定方名庖犧因之黃帝使大撓造甲子續漢志注引蔡邕月令章句云大撓探五行之精占斗綱所建於星始作甲乙以名日謂之幹作子丑以名日謂之枝枝幹相配以成六旬此三說者猶存古義與天官義同蓋以寅爲建之始故以攝提屬之明六十甲子之名生於斗也正義索隱並引孫炎說陽攝持攜萬物使之至上則兼明古人名

星攝提之義凡古訓皆有由起可爲寶貴

日月古證文荅宣城張徵士劄

古今名義不相蒙者儒者當知其意知春秋時吳楚而疑今名江南者非也知今名江南而疑明名直隸者亦非也日月之說宣城定九梅先生之言是矣元明人之言是也然古人測之未詳就其所見言之亦是也開元占經文選蜀都賦注并引春秋元命包云陽數起於一成於三故日中有三足鳥史記龜策列傳孔子云日爲德而君天下辱於三足之鳥淮南子精神訓云日中有踰烏注云踰蹲也說林訓云烏力勝日而服於雞禮能有修短也言烏在日中而見注云雞禮爾癸巳存稿

卷六

三

連筠移叢書
靈石楊氏栗

雅神笠秦人謂之祀祝間蠶時晨鳴人舍上者說文焉云凡字烏者日中之禽故象形論衡說日篇云儒言日中有三足烏充意非之然以此知古儒說開元占經續漢志注並引張衡靈憲云日者陽精之宗積而成烏象烏有三趾陽之類藝文類聚引五經通義云日中有三足烏廣雅釋天云日一名陽烏五行大義云三足烏者陽精其言僂呼俗人見僂呼似烏故以名之又云火外熱內陰象烏也山海經云黑池北有陽谷居水中有扶木九日居下枝一日居上枝枝皆戴烏淮南子云堯時十日並出堯命羿仰射中其九日中九鳥皆死此日烏之古義也法苑珠林太平御覽並引詩推度災云月

三日成魄八日成光蟾蜍體就穴鼻始萌注云穴缺也缺鼻
兔也乾鑿度文同開元占經法苑珠林太平御覽並引春秋
演孔圖云蟾蛄月精也五行大義引元命包云兔居月中者
抑詘合陽也中氣似文象陽動也兔之言僖僖呼呼溫煖名
也文選吳都賦注太平御覽並引元命包云月之爲言闕也
兩設以蟾蜍與兔者陰陽雙居明陽之制陰陰之倚陽史記
龜策列傳孔子云月爲刑而佐日見食於蝦蟆淮南說林訓
云月蝕於詹諸注云月中蝦蟆食月楚辭天問云顧兔在腹
注云言月中有兔居月之腹而顧望淮南子精神訓云月中
有蟾蜍論衡說日篇云月中有兔蟾蜍順鼓篇云月中之獸
癸巳存稿

卷六

三

連筠移叢書
靈石楊氏棗

兔與蟾蜍也續漢志注開元占經並引靈憲云月者陰精之
宗積而成獸象兔陰之類藝文類聚太平御覽並引五經通
義云月中有兔與蟾蜍者何蟾蜍陽也而與兔並明陰係於
陽也大唐西域記云波羅尼私國三獸塔兔爲帝釋入火帝
釋除燼收骸傷嘆良久曰吾感其心不泯其迹寄之月輪傳
乎後世月中之兔由斯而有一切經音義正理門論曰佛昔
作兔王爲一仙人投身入火以肉施彼天帝取其體骨置於
月中使得清涼又令地上眾生見而發意故也案其事見晉
法護譯佛說生經兔王經第三十一其取骨置月晉時有此
說此兔與蟾蜍古義也晉傅咸擬天問云月中何有白兔搗

藥輿福降祉此自兔擣藥古義也謂蟾蜍卽嫦娥者續漢志
注開元占經並引靈憲云其後有憑焉者羿請不死之藥於
西王母姮娥竊之以奔月將往枚筮之於有黃有黃筮之曰
吉翩翩歸妹獨將西行逢天晦芒母驚毋恐後其大昌姮娥
遂託身於月是爲蟾蜍淮南子覽冥訓云羿請不死之藥於
西王母恒娥竊以奔月文選遊仙詩注引許慎注云恒娥羿
妻也逃月中蓋虛上夫人是也史記索隱引世本云黃帝使
常儀占月常儀恒娥其音通蓋黃帝臣漢書蕭該音義云織
阿月御也索隱引樂彥云織阿山名有女子處其巖月歷度
數躍入月中因爲月御此蟾蜍恒娥虛上夫人織阿古義也
癸巳存稿

卷六

言

連筠篔簹書
靈石楊氏采

初學記太平御覽並引虞喜安天論云俗傳月中仙人桂樹
今視其初生見仙人之足漸以成形桂樹復生佛書因本經
云以何因緣月宮有影此大洲中閻浮提樹高大影現月輪
以此有影姚秦佛陀耶譯長阿含經云以閻浮樹影在於月
中故月有影積字樓炭經云須彌山南地有大樹樹名閻浮
提高四千里枝映二千里影現月中酉陽雜俎云須彌山南
面有閻浮樹月過樹影入其中是也又云舊言月中有桂樹
有蟾蜍故異書言月桂高五百丈下有一人常所之樹創隨
合人姓吳名剛西河人學仙有過謫令伐樹此仙人桂樹樹
影吳剛古義也或曰仙人爲東漢宋無忌史記封禪書索隱

樂彥引老子道經云月中仙人宋無忌道經一作戒經按索
隱又引白澤圖云宋無忌火精則此月中仙人當是丹中仙
人東漢人見戒經當是丹方增益不涉月也桂樹之說已古
元人史繩祖學齋佔畢草木花五出桂四出桂爲月中木
居西西金數四色黃且開以秋按其說不然酉陽雜俎云桂
花三月開又云月桂黃而青蕊四瓣又云牡桂蒂紅黃三瓣
花白六瓣皆開於春所謂齒及木犀則秋開俗謂之桂非月
中桂佛言須彌南大樹蓋說文之櫨崑崙河隅長木也禮記
禮運云天秉陽垂日星地秉陰竅於山川播五行於四時和
而後月生焉是以三五而盈三五而闕公羊春秋莊二十五
癸巳存稿

卷六

靈

連筠篔叢背
靈石楊氏棗

年傳云日食則曷爲鼓用牲於社求乎陰之道也以朱絲營
社或曰齋之注云社者土地之主也月者土地之精也上係
乎天而犯日故鳴鼓而攻之朱絲營之文選史述贊注太平
御覽並引孝經援神契云天地至貴精不兩明注云天精爲
日地精爲月周禮注引孔子云日者天之明月者地之理陰
陽制故月上屬爲天使疏云孝經援神契文也開元占經引
春秋感精符云月者陰之精地之理文選七命注引春秋考
異郵云地生月精爲馬續漢志注引靈憲云月者土地之精
也此地爲月古義也華嚴經光明品閻浮提音義云正言瞻
部提瞻部者香山上阿耨達池南大樹名其葉上潤下狹提

者洲也洲形似此樹葉故取爲名合之因本阿含知樹影卽地影酉陽雜俎云或云月中蟾桂爲地影空處爲水影瑜珈論云大海中有魚鼈等影高入月輪故其內有黑相現此地影水影古義也何遠春渚紀聞云月中黑相非物影今以半鏡懸照而物象影全月半時物象亦半知非影也酉陽雜俎云太和中一人言月形如丸其影乃日燦凸凹處夢溪筆談云以木爲丸半塗黑白轉側視之月晦明之形備矣此圓凸古義也其義或是或否然古言實如此吁亦奇偉矣哉

日長短論

康熙三十一年四月辛丑

癸巳存稿

卷六

五

連筠篔簹書
靈石楊氏栗

聖祖御瀛臺澄懷堂召見尙書庫勒納等奏對畢庫勒納請曰黑龍江日長夜短雖晚日落不至甚暗其故何也

聖祖諭之曰黑龍江極東北之地日出日入皆近東北方所以黑龍江地方日長夜短日落亦不甚暗謹按夏至日長者冬至日必短此渾天之妙也黑龍江夏至晝六十四刻冬至晝三十二刻雅克薩汗山哈屯河唐努烏梁海夏至晝六十七刻冬至晝三十一刻阿拉坦淖爾烏梁海夏至晝六十七刻冬至晝二十九刻此皆地方實測所及以九十六刻計者也明時百刻京師冬至晝長應四十刻夏至晝長應六十刻正統十四年頒大統曆冬至晝長三十九刻夏至晝長六十

一刻見野獲編言岳貢所述造書者私意擅改今核此事五行志麻志未知采論而春分後日加長秋分後日加短實爲土木之役車駕北行之讖南北里差亦證渾天之妙以此推之唐書言骨利幹燒羊腓熟天卽明此夏至也冬至燒羊腓熟天卽夜矣道藏太平部太平經云天下一大部其中部八十域分爲小部日月運照莫不共之而有明不明者所處異也此經爲後漢宮崇所得其言如此蓋周髀之義但以東西言之至一年一晝夜之說出於蓋天梁武亦及之又雜以佛說西史云西儒至一處見南北極皆出地上此於地圓不能通又云意大里亞西北四國南界冰海日輪橫行地面半年癸巳存稿

卷六

三

連筠篔簹叢書
靈石楊氏棗

爲一晝夜高拱乾臺灣府志云臺灣東北有暗澳一年爲一晝夜則荷蘭人言之夫日晝在南則夜必在北卽橫行地面九日卽有高下一年半年爲晝夜之說渾天所不能通且西洋初言日輪大於地球百六十五倍又八分之三請以質之地球圓也視圓物者一綫相直卽見其半從第一倍地球之頂至一百六十五倍地球之頂日輪光射地球必過地球之半如此則月朔及月食旣皆當有明如環春秋分必不能晝夜平尤無半年爲夜之事矣故知渾天月日高下里差不可以概蓋天也

禮記樂記云百度得數而有常注云百度百刻也言日月晝夜不失正也月令正義引蔡邕說云星見爲夜日入後二刻日出前三刻皆爲晝晝有五十六刻夜有四十四刻士昏禮疏引鄭目錄云日入後二刻半爲昏又云商刻也三商舉成數也文選注引五經要義云日入後三刻爲昏日出前三刻爲明與蔡邕義皆依三商成數言之呂氏春秋注云長至晝漏水上刻六十五夜漏水上刻三十五短至晝漏水上刻四十五夜漏水上刻五十五開元占經王蕃渾天象說云夫天之晝夜以日出入爲分人之晝夜以昏明爲限日未出二刻半而明日入後二刻半而昏故損夜五刻以增晝刻是以春

癸巳存稿

卷六

亥

連筠篔簹書
靈石楊氏棗

秋分之漏晝五十五刻其增減則鄭注考靈曜云九日增減一刻舉大略言之蓋古法如此書正義以鄭爲非則不明注書之體要矣

堯典刻

水注疏三十五刻至晝漏水上刻四

書正義引馬融說云古刻漏晝夜百刻晝長六十刻夜短四十刻晝短四十刻夜長六十刻晝中五十刻夜亦五十刻融之此言據日出見爲說詩東方未明正義云以尙書有日出日入之語遂以日見爲限減晝漏五刻其說是也書正義云鄭注此書言日長者日見之漏五十五刻日短者日見之漏四十五刻詩東方未明正義云鄭注曰日中宵中者日見之

漏與不見者齊也日永者日長之漏五十五刻日不見之漏四十五刻日短者日見之漏四十五刻日不見之漏五十五刻王肅難曰知日長之漏減晝五刻不意馬融已減而又減之故日長爲五十五刻因以冬至反之取夏至夜刻爲冬至晝刻此其所以誤耳肅之此言獨爲不妄月令正義云鄭注尙書日中晝見之漏五十五刻不見之漏四十五刻此則正義之誤非鄭義也

圓徑

圓三徑一古數止舉大略漢以前經史說皆如此說經者當增埒實數而不可沒其本義實數者宋史天文志云吳王蕃癸巳存稿

卷六

堯

通鑑總叢書
靈石楊氏棣

依陸績立論言徑一不啻周三率周百四十二而徑四十五隋書律厯志云宋末南徐州從事史祖沖之更開密率徑一圓數贏三一四一五九二七從內不從內數三一四一五九二

六正數在贏朒二限之間三一四一五九二六大率徑一

一三而周三五五外十則內七圍七一方圓皆同斜直則方

五斜七圍七五而圓無近西洋人割圓六宗三要用以爲率

開元占經引沖之言徑一不啻周三率周一百四十二而

徑四十五比贏數猶贏且卽陸績法也秦九韶數學九章則

云環田徑一周三一六二二七七六六奇恭讀

聖祖仁皇帝聖訓康熙三十一年正月甲寅

諭大學士九卿曰朕觀圖三徑一之法用之必不能合蓋徑一尺則圍當三尺一寸四分一釐有奇若積累至於百丈所差至十四丈有奇等而上之其爲舛錯可勝言邪徑一圍三止可算六角之數

小數

升斗小數爲合勺抄撮圭粟顆粒黍稷禾糠粃柄以十遞減法碼小數爲釐毫絲忽微纖沙塵埃渺漠逡巡溟清須淨以十遞減又有糗糊等長短小數寸分釐毫以下同其立名多不通夫小數惟參差互求則愈析愈多如天體整度則度爲三千六百秒秒又析微纖忽芒塵六十遞減之小數猶當別癸巳存稿

卷六

早

連筠篲叢書
靈石楊氏乘

立率始能求之若日用之物必不當析粒析毫而計之且無可計也康熙二十四年議修賦役全書及給由單刪去抄絲以下歸抄於勺歸絲於毫於民實無所加蓋抄絲以下非權量所能較徒滋簿書飛洒駁查之弊也二十六年書成乾隆三十一年定地下數以釐爲斷三十二年又通行飭知銀數以毫爲斷米數以勺爲止

積元

漢書律厯志四分上元至伐桀十三萬二千一百一十三歲其八十八紀甲子府首入伐紂後一百二十七歲此四分上推庚申元也續漢書律厯志蔡邕引乾鑿度元命包天地開

闢至獲麟二百七十六萬歲春秋命厯序則云二百二十七萬六千歲此則辛卯乙卯戊午丙寅甲寅丁巳庚子丁丑庚申元所積之異三者以算上求置算不同故積元不同郎中馮光沛相掾陳冕言開闢至獲麟二百七十五萬九千八百八十六歲當是甲寅元數此皆有道有術之言隋曹憲廣雅音義引帝王世紀云自人皇迄魏咸熙二年二百七十二代二百七十二萬七百四十五年當依乾鑿度接獲麟積算其七十二萬二是六字誤也宋人謂所說乖異乃不明理之談宋史韓顯符傳云自伏羲甲寅至皇朝大中祥符三年庚戌積三千八百五十七年專依皇甫謐等言不足信開元占經癸巳存稿

卷六

聖

連筠蓂叢書
靈石楊氏棗

九執法不推積元今西洋法亦不推積元西洋天地儀書云開闢至洪水一千六百五十餘年洪水至漢元壽庚申天主降生二千三百四十餘年自闢天地至崇禎庚辰五千六百三十餘年聖經直解云開闢至洪水二千二百四十二年洪水至漢元壽庚申天主降生二千九百五十四年自開闢至崇禎庚辰六千八百三十六年非由積元亦年數不同蓋向壁虛造矣

周人言積元

古算元以正月甲子夜半朔冬至爲元者乃周正朔算法必於朔者以日月同度又須夜半朔又須五星合日月必以三

合爲定位故有上推至百十萬年者朱子注孟子離婁引其說毛氏奇齡以爲大錯言凡朔日至則必前是閏月未閏造憲先置閏者毛習聞夏正起正月甲寅朔旦立春則不先置閏若周正起中氣安得不先置閏先置閏所謂歸餘於終終則有始左傳云歸餘於終正是元前置閏以周人說周法至爲顯確何須毛氏聞之也唐人說歸餘於終已參巔憲不得周魯之旨唐御刪定禮記月令表云孟春日在營室有拘恒檢無適變通不知氣逐閏移節隨斗建泊乎月朔差異日星見殊事資革弊重有刪定乃依构建爰準攝提舉正於中匪乖期於積閏履端於始不爽候於上元云云今檢開成石經癸巳存稿

卷六

望

連筠蓀叢書
靈石楊氏采

御刪定禮記月令云正月之節日在虛昏昴中曉壁中斗建寅位之初其說誠是真正寅朔則所謂履端舉正者與周同而歸餘則與周法異也

恒氣論

恒氣之名古無之始於皇極法也同時張胄元等於三道進退言之最詳其合朔用何承天三大三小則委婉陳之儒士星翁兩不相下致有紛紛之論劉焯創定氣定朔之名當時不行而後世承用之焯旣自以定氣定朔名其法又別古法名曰恒氣平朔前史無恒氣平朔之法三代及漢氣朔法亦不同周髀算經夏至日在內衡二分在第四衡冬至在第七

衡第四衡周百七萬一千里赤道黃道青道赤道白道黑道之所同也第七衡周百四十二萬八千里足證蓋天無赤道及九道之說諸緯及古憲皆言度四分今推恆氣則五日又二百八十八分日之六十三而一氣平朔則乾鑿度云二十九日與八十一分日之四十二月令正義引考靈曜云二十九日與九百四十分日之四百九十九古法簡氣朔如是也書正義引鄭注考靈曜萬世不失九道謀云河圖帝覽嬉文黃道一青道二出黃道東赤道二出黃道南白道二出黃道西黑道二出黃道北日春東從青道夏南從赤道秋西從白道冬北從黑道四季從黃道漢書天文志已有此說按續漢

癸巳存稿

卷六

聖

連筠蓀叢書
靈石楊氏棗

志漢安二年尙書侍郎邊韶上言云劉歆所幾極深驗之春

秋參以易道以河圖帝覽嬉洛書乾曜度推廣九道則九道出於緯戰國及秦時所推得渾天起於漢時截蓋天第四衡爲之其迹可按也三統有九道以定章統其日法八十一月法二千三百九十二求朔與古術同天度小分增於古而氣候無盈縮仍可以古法計也東漢用四分而晝夜漏刻小寒與大雪大寒與小雪立春與立冬長短分不齊則九道之效熹平時馮光陳冕言朔與憲癸亥乙丑差至二日則兩大及三大二小之漸至蔡邕云三光之行遲速進退不必若一術家以算求之取合於當時而已是其時局中有此議故邕及

之劉洪以後日爭其事劉焯以儒創立其目而術始定可謂
難矣素問六節藏象論云五日謂之候三候謂之氣六氣謂
之時四時謂之歲周而復始如環無端天元紀大論云天以
六爲節地以五爲制周天氣者六期爲一備終地紀者五歲
爲一周五六相合七百二十氣爲一紀千四百四十氣六十
歲而一周不及太過斯皆見矣淮南天文訓云斗指二十四
氣以十五日八風以四十五日又古言土王四季各十八日
五行各王七十二日皆舉大數其中自有小分通卦驗云四
十五日二十一分爲節十五日七分爲氣凡日三十二分也
與二百八十八分法同皆通分爲法乾鑿度云憲以三百六
癸巳存稿 卷六 器 連筠蓂叢書
靈石楊氏萊
十五日四分度之一爲一歲易以三百六十析當期之日說
有不相通者緯已言之若此若必執五日爲恒氣者歲止三
百六十日古人無是說也

煙波釣叟歌

煙波釣叟歌極典雅歌云軒轅皇帝戰蚩尤涿鹿經年苦未
休偶夢天神授符訣登壇致祭謹虔修案廣韻符字注引河
圖注云元女出兵符授黃帝戰蚩尤藝文類聚引河圖挺佐
輔云黃帝召天老而問焉余夢見兩龍挺白符以授余於河
之都天老云今鳳皇已下三百六十日矣合之圖紀天其授
帝符乎帝乃齋祓七日史記索隱引龍魚河圖云黃帝攝政

有蚩尤兄弟八十一人並獸身人語銅頭鐵額食沙仗五兵
刀戟大弩威震天下誅殺無藝萬民欽命黃帝行天子事黃
帝以仁義不能禁止蚩尤乃仰天而嘆天遣元女授黃帝兵
符伏蚩尤太白陰經云經曰黃帝征蚩尤七十二戰而不克
夢金人引領長頭衣元狐之裘而言曰某乃天帝之使授符
於帝帝驚悟求其符而不得乃問風后力牧風后力牧曰此
天帝也乃於盛水之陽築壇祭之雲笈七籤宋真宗御製黃
帝本紀云帝戰未勝歸大山之阿慘然而寐夢見西王母遣
道人披元狐衣持符授帝曰太一在前天一在後得之者勝
卽召問風后置壇祈得符廣三寸長一尺青色以血爲文佩
癸巳存稿

卷六

星

連筠移叢書
靈石楊氏棊

之歌云神龍負圖出洛水按太平御覽引河圖云黃帝游於
洛見鯉魚長三尺青身無鱗赤文成字藝文類聚開元占經
及御覽並引龍魚河圖云黃龍負圖鱗成字從河中出付黃
帝令侍臣寫之示天下黃帝本紀注云神龍負圖文遁其甲
故曰遁甲歌云舟鳳銜書碧雲裏按說苑云黃帝於中宮鳳
乃蔽日而降黃帝降自東階西面稽首曰皇天降茲敢不承
命文選七命注引禮瑞命記云黃帝服黃服帶黃冠齋于宮
鳳乃蔽日而來止帝園食竹實棲帝梧桐終不去大雅文王
篇題正義引元命包云鳳皇銜書置帝前黃帝再拜受左傳
正義引春秋緯云黃帝坐於扈閣鳳皇銜書置帝前藝文類

聚太平御覽引合誠圖錄運期云黃帝游元扈上洛與大司馬容光左右輔周昌等百二十人臨觀有鳳皇銜圖以置帝

前帝再拜受圖

御覽四十三九百十五作合誠圖二百九作緯洛書錄運期故兩著之路史注作河圖錄

運歌云因命風后演成文遁甲奇門從此始按乾坤鑿度河

法圖八門注云河圖者河中得天書文圖詔龍銜出似非緜非

文而後風后演云太一天一星斗同衡卦錄神算通天地之

錯與神謨先兆之名武經總要云風后演遁甲究鬼神之奧

極天幽宋真宗軒轅本紀云元女教帝三宮秘畧五音權謀

陰陽之術帝令風后演河圖法而爲式用之創十八局

刊本作百

八名曰遁甲歌云一千八十當時製按月令正義引有陰陽

癸已存稿

卷六

吳

連筠蓀叢書靈石楊氏聚

式法言陰局陽局也太白陰經云經曰俄有元龜巨鼈從中

水出含符置於壇而去似皮非皮似緜非緜以血爲文曰天

一在前太一在後黃帝再拜受符於是設九宮置八門三奇

六儀爲陰陽二遁凡一千八十局名曰天一遁甲式三門發

五將具武經總要云陰陽二遁存諸祕式則局各五百四十

也歌云太公刪成七十二按太一金鏡式云自太公張良以

下至李淳風別起太一新法則太公自有書軒轅本紀注云

周公時約爲七十二局是太公之事也歌云逮於漢代張子

房一十八局爲精藝按文選修張良廟教注引河圖云黃石

公謂張良讀此爲劉帝師也史記留侯世家索隱引詩緯云

風后黃帝師又化爲老子以書授張良見於古緯黃石公書
卽風后書其爲遁甲無疑矣軒轅本紀注亦云漢張子房其
向映一云四皓四字係道藏本校文誤連寫之議之爲十八局此歌語皆有
稽蓋北宋通人所作

三合說

淮南子天文訓云木生于亥壯於卯死於未三辰皆木也火
生于寅壯於午死於戌三辰皆火也土生于於午壯於戌死於
寅三辰皆土也金生于巳壯於酉死於丑三辰皆金也水生
於申壯於子死於辰三辰皆水也故五勝生一壯五終九是
午戌寅土合與寅午戌火合各視盛衰得時占之五行大義
癸巳存稿

卷六

七

連筠蓀叢書
靈石楊氏采

云土受氣於亥生寅卯葬辰又引五行書云土寄火生巳葬
辰然辰土生子未土生卯戌土生午丑土生酉是淮南三合
專以戌土言之其辰未丑土又自有三合與金木水比也吳
曾能改齋漫錄引李鼎祚連珠集論五行終始云水系包在
巳木系包在申火系包在亥金系包在寅止四行無土吳曾
又引黃帝八五經五行十二變篇云一生二浴三冠四臣五
君六萎七病八死九藏十止十一渾十二育卽今長生沐浴
冠帶官旺衰病死墓絕胎養舊所謂止今術所謂絕絕當爲
系包蓋包胎養長以至墓於序爲順言止絕非理也淮南以
藏墓爲死當是終以終九之文證之可見然則土當系包於

卯今星命家戌藏戊土午藏巳土是也寅亦應藏巳土而云藏戌土爲失本義術士又或以土三辰附寅午戌又以木方克土不能並生洪範五行之說土生于申陰陽選擇諸家則言土寄生寅因不復知土有三合然則金生在巳何也以有伏而長也然則詩正義引詩緯汎厯樞云大明在亥爲水始四壯在寅爲木始嘉魚在巳爲火始鴻雁在申爲金始不合三辰之法亦不言土何也此用顓頊法時所推就四孟比經義土在四季也高堂隆言土生未盛戌壯丑終辰言在四季與三合異也

九梁星

癸巳存稿

卷六

癸

連筠蓀叢書
靈石楊氏棗

九梁星名見隋蕭吉五行大義所引黃帝斗圖及唐開元占經北斗占所引洛書其入祀典則始於唐民間亦盛行太平廣記神十七引唐逸史云裴度命屬廉貞祭時見廉貞將軍金甲執戈長三丈按其術以貪狼巨門祿存文曲廉貞武曲破軍七名列之而以子丑寅卯辰巳午子亥戌酉申未午十四生命依次得其星名見元神全則吉不全則行掩鎮其咒甚鄙俚聞奇錄貞元時吉州刺史魏耽圉人爲北斗本命星其稱九梁則見唐楊益地理書宋時其神益著洪景盧夷堅志數有其事

羅盤

羅盤近裏爲十二格次爲二十四次爲三十六次爲七十二次爲三百六十格就外格彼此相勘其綫益直方位益審其舊盤中針縫針不煩別出界畫就定格偏上偏下取之卽得其位嘗思得一法作圓池方盤畫圓格五重內重十二支由北而西而南而東而復北其方位與各書異乃仰觀星圖法也外格俱依仰觀法填之車上用之以子內向午向轅置盤不動針之所指卽車所向之方舟行者嵌盤舟內以午外向針所指則舟行方也置海舟舵樓與時行羅盤比校用之其水路益準覆驗門宅墓但以子內向尤易辨也又見儀器中定南針指時刻日晷儀因作此盤但以午向日兩牆無影則癸巳存稿

卷六

巽

連筠蓀叢書
靈石楊氏聚

針之所指卽其時刻徐岳術數記遺云其一八卦針刺八方位闕從天卽是此盤是漢時已有之後不傳此器耳若以偏東偏西爲南蓋西洋謂中國南北極不正其說已見宋沈括筆談謂磁石磨針微偏東不全南其說非也請以西說證之晉法顯佛國記云拘薩羅國佛論議處起精舍道東有外道天寺日在西時精舍影射天寺日在東時天寺影北映終不得映精舍此事不足道而旁證取可爲據日月隨星躔出辰入戌則中在未天寺蓋在精舍東僧徒夸言亦以中在偏西未位若中國日中時正在午豈得謂中國北極不正磁石乃指大郎山如西洋人之論邪以佛國記推之中國正南在午

佛國及西洋正南反在未此又言羅盤指南針者所當知也
今羅盤有先天八卦元空五行開禧顯慶天度嘗深思之不
得其理術士言之有餘味焉蓋各有肺腸矣

夢

莊子於夢言黃帝孔子按史記正義引帝王世紀云黃帝夢
大風吹天下塵垢皆去又夢人執干鈞之弩驅羊萬羣帝寤
而嘆曰風爲號令執政者也垢去土后在也天下豈有姓風
名后者哉夫干鈞之弩異力者也驅羊萬羣能牧民爲善者
也天下豈有姓力名牧者哉於是依二占而求之得風后於
海隅登以爲相得力牧於大澤進以爲將黃帝因著占夢經
癸巳存稿

卷六

辛

連筠蓀叢書
靈石楊氏栞

十一卷其圓夢之法徑情直遂而竟得之可謂象罔得珠矣
靈樞有淫邪發夢篇占夢經藝文志有之曰黃帝長柳占夢
孔子兩楹之夢見檀弓是其義也列子周穆王篇亦云今無
黃帝孔某孰辨之哉唐明皇自言夢見太上老君宋眞宗則
與其臣共言見神人金主亮自言夢天門內伏殿下聽青衣
人傳天策上將令不可解矣

癸巳存稿卷之六



